

四庫全書

子部

欽定四庫全書

子部

古今源流至論續集卷一

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣黃熙純

欽定四庫全書

古今源流至論續集卷一

宋 林駟 撰

衛兵上

三代畿兵皆有定制史自遷固不志兵而漢
南北軍漫然無攷諸儒議論往往異同今叅
訂漢史之所互載及先儒之所發明緯而為
圖焉

南北軍

考異古者前朝後市王宮在南故漢衛宮之兵在
城內者為南宮城之軍既謂之南京城之軍則謂
之北所以別也

南軍

衛尉寺

漢書儀曰衛尉寺在宮內

衛尉

表衛尉一人掌宮門衛屯兵

考異南軍衛尉主之衛尉有尉士令丞諸丞衛侯
司馬皆屬焉周勃既入北軍乃令人告衛尉毋納

呂產以此知南軍主之衛尉明矣

衛士令丞

漢官儀曰營衛周廬晝夜誰何殿門外署屬衛尉漢儀民年三十三為正歲為衛士

諸屯衛侯

後志左右都侯各一人六百石本注主劔戟士徵循宮

諸屯衛司馬

顏注曰衛尉有八屯衛尉司馬主衛士徵循宿衛

考異按張衡兩都賦曰衛尉八屯注引八校尉此大謬也校尉北軍也衛尉南軍也據宮門四面皆有公車每門各有二司馬凡八司馬故曰八屯

郎尉

表初皆亡負多至千人掌守門戶出充車騎

考異或以光祿勳為南軍既於史無所據况所領皆郎烏可以軍言曰守門戶充車騎孰謂其非軍也郎而非軍宣帝胡為出之擎羗也按禮儀志國有大變則閉宮門城門設屯衛兵不過諸郎與北軍爾初不及衛尉之所領何也以是知衛郎衛兵同為南軍事出一體爾

中郎 五官中郎將 左中郎將 右中郎將

通典曰
中郎將

分掌三

署郎

侍郎

袁盎兄子種為常侍騎張釋之為騎郎李廣為郎騎常侍顏曰官為郎而常騎以侍天子司馬相如

為郎事景帝
為武騎常侍

郎中

郎中車將

郎中戶將

郎中騎將

漢舊儀曰左右車騎

將主左右車郎左右
戶將主左右戶郎

期門府

蔡質漢儀曰期門府次虎賁府表武帝建元三年初置平帝元始元年更

名虎
賁

期門郎

表掌執兵送從比郎亡負多至千人服虔曰與期門下以微行後遂名官

徐官考曰謹按周之兵制無事則散之田畝有役

則召以縣師而宿衛長養之兵則有虎賁之士八
百人至六軍之徒一軍百人大司馬之屬徒三百
有二十人又在虎賁之外然不常有而虎賁之祿
比下士足以代耕蓋庶人在官者也漢期門千人
而秩比郎亦古虎賁之遺意歟

虎賁中郎將

蔡質漢儀曰舊作虎賁言如虎之奔也王莽以古有勇士孟賁故名焉漢官典職

儀曰虎賁中郎將主武賁千百五人

考異應劭漢官儀以虎賁曰古官謹按周虎賁氏

下大夫二人中士十有二人掌先後王而趨以卒
伍成王之道末命召公俾齊侯呂伋而伋方發虎
賁之士宰臣統總宮衛其嚴如此漢安能及哉

期門僕射

表僕射秩比千石

給事期門

表史記功臣董忠

羽林府

表武帝太初元年初置名曰建章營衛後更名羽林騎

顏曰如羽之疾

如林之盛

羽林郎

表掌送從以期門比三百石後志本注曰無負掌宿衛侍從

考異後志以六郡良家補漢儀以三輔良家補然

以史考之趙充國以六郡良家子善騎射補羽林
甘延壽以北地良家子善騎射補羽林亦六郡也
當以後志之言為正

羽林孤兒

宣紀注武帝又取從軍死事之子孫
養羽林宮教以五兵號曰羽林孤兒

徐官考曰漢法待死事有加恩自高帝始也孔子
欲勿殤僮汪錡周禮冢人凡死於兵不入兆域則
是死於兵革者固有二等也高帝令軍士不幸死
吏為衣衾棺歛轉送其家又軍法父子俱有死事

得與喪歸武帝取從軍死事之子孫養羽林號曰
羽林孤兒皆所以激厲將帥也

羽林令丞

表羽林
有令丞

監羽林中郎將

諸吏中郎將
羽林監任勝

監羽林

騎都尉

表宣帝令中郎將
騎都尉監羽林

羽林黃頭郎

通節

都尉

通典西漢奉車尉馬
二都尉並屬光祿勳

奉車都尉

表掌御乘輿車武帝元鼎
二年初置秩比二千石

考異霍光為奉車都尉光祿大夫出則奉車入侍
左右奉車蓋始於此

東萊曰或以奉車駙馬為加官非也荀氏漢紀及
通典並不列於加官即此可考

駙馬都尉

表掌駙馬武帝元鼎二
年初置秩比二千石

考異金日磾為監遷侍中駙馬都尉光祿大夫出
則駢乘入侍左右駙馬蓋始於此

漢制叢錄曰駙馬都尉之官雖置自武帝然於時
尚主者獨取列侯未拜此官

騎都尉

表宣帝令騎都尉監羽林
志曰主監羽林並屬光祿勳

後

考異表云武帝元鼎二年初置秩比二千石及按
沛公為漢王靳歙遷騎都尉則是漢初亦置矣
考異按本表及後志騎都尉本監羽林蓋南軍也
及攷金涉傳在成帝時為侍中騎都尉領三輔胡
越騎胡越騎之在三輔者若長水長楊宣曲之屬
此北軍也今廼領蓋季年之制也自昭帝用霍山
為奉車都尉侍中領胡越兵其制已失之矣

考異按都尉本軍中官高祖時靳歙以騎都尉定

三秦自後無除武帝以李陵有廣之風拜為騎都尉將勇敢五千教射酒泉張掖其後上官桀以捕反者馬何羅上官安以騎都尉為車騎將軍自此騎都尉遂為一官至宣帝時以騎都尉監羽林故騎都尉遂為羽林官又以騎都尉監護西域其後李尋平當使護河隄

壯軍

中尉府

中尉

表秦官掌徵循京師武帝太初元年更名執金吾

考異武帝始有執金吾之名及按功臣表蟲達從起礪至霸上為執金吾未審當時為何官耳

考異北軍中尉主之中尉有中壘令丞左右京輔都尉尉丞兵卒皆屬焉八校尉有中壘校尉掌北軍壘門內則北軍為京城兵而主之中尉亡疑矣

中壘令校尉

表令一人丞一人尉兩人

左右京輔都尉尉丞

尉比二千石丞一人六百石武帝元鼎四年置有兵卒元紀建昭

元年令三輔
都尉二千石

城門校尉

城門校尉

表掌城門屯兵一人
云高帝置出從縱騎百二十人
環濟要畧

徐官考曰謹按周官司門下大夫二人鄭氏若今

城門校尉

漢制叢錄曰按劉屈氂傳武帝世以戾太子在外
始置屯兵長安諸城門表云城門校尉掌京師城
門屯兵是城門校尉之官自武帝始有然表但云

中壘屯騎等八校尉皆武帝初置至城門校尉獨
不言起自何時所未諭也成帝世羊阿侯譚成都
侯商紅陽侯立踵相躡以特進領城門兵豈至是
屯兵益盛又與前世殊耶

司馬丞

通典曰司馬丞各一人

八屯司馬

顏曰八屯各有司馬通典曰司馬丞各一人蓋司馬即司馬丞

門候

征和二年以太子在外初置通典十二城門候各一人黃圖曰主候時謹啓閉

霸城門候覆盜門候

宣平門候東門候安門候西安門候

宣城門候

直城門候

雍門候

路城門候

尉城門候

橫門候

徐官考曰按周司門之屬每門下士二人即門候

之官歟

城門令史

王莽傳王興者故城門令史

八校尉

八校尉皆武帝初置有丞司馬顏曰自中壘以下凡八校尉城門不在此

中數

中壘校尉

掌北軍壘門內外掌西城荀悅漢紀掌四城門漢儀曰尉一人掌上書者獄上書於公車

有不如法付北軍獄

東萊曰謹按中壘掌北軍則知八校皆北軍也故
後志本註曰舊有中壘校尉領北軍營壘之事中
興省中壘但置北軍中候以監五營又按中尉有
中壘令丞則知北軍之統于中尉中壘在北門即
與南軍不相亂頗有周人辨方位之意

屯騎校尉

表掌
騎士

步兵校尉

表掌上林
苑門屯兵

越騎校尉

表掌越騎如淳曰越
人內附以為騎也

長水校尉

表掌長水宣曲胡騎師古曰長水湖名宣曲觀名胡騎之屯於宣曲者劉氏釋名曰

長水校尉長於水戰舟船之事也

胡騎校尉

表池陽胡騎晉灼曰胡騎不常置故刑法志云武帝內增七校者以胡騎校尉不常所

以不與也

射聲校尉

表掌待詔射聲士

虎賁校尉

表掌輕車

八校尉各有丞司馬惟中壘校尉多有尉一人

監北軍使者

劉屈氂傳任安武帝使任安護北軍史記

北軍錢官

史記任安答辱北軍錢官小吏公孫敬用擅用北軍錢

總南北軍

車騎將軍

張安世傳七月罷車騎將軍屯兵列宮衛尉城門北軍兵屬焉又漢儀曰漢置車騎衛將

軍左右前後皆位次上卿典京師兵衛

衛將軍

文帝元年拜宋昌為衛將軍領南北軍

軍正

主平楊僕胡建南北各有正又置丞

丞

天漢中胡建守軍正丞

衛兵下

周廬千列設戟百重入守虎闕出陪豹尾此古人設衛所以強幹弱枝防未然而威不軌也昔成周宿衛之制居則宮正宮伯之衛行則虎賁氏之衛僕從之衛掌於太僕守隸之衛掌於司隸其制蓋不一矣宮正有宮中

之徒役

宮正掌王宮之戒令糾禁以時比宮中之官府次舍之衆寡凡邦之大事令王宮之官府次舍

無失守而聽政令

宮伯有公卿大夫之士庶子

宮伯掌王宮之士庶子在版者

作其徒役之事授八次八舍之職事若邦有大事作宮衆則令之

以為環列腹心之任

居衛之制然也虎賁氏有虎士八百人掌先後王而趨

以卒伍視朝則在路門之右

虎賁掌先後王趨以卒伍軍旅會同亦如之舍則守

王閑王在國則舍王宮國有大故則守王門又夏官司士云正朝儀之位王南鄉王族故士虎士在路門之右

行衛之制然也太僕掌奉輿馬督扈從視朝則在路門

之左

太僕王眡朝則前正位而退入亦如之王出入則左馭而前驅太僕而下有小臣祭僕隸僕御僕皆

屬馬又司士云太僕左右太僕從者在路門之左

司隸掌率夷隸執兵器服兵

服以衛王之門外朝在野外則守內列

司隸掌師四翟之隸使皆服其

邦之服執其邦之兵守王宮與野舍之屬禁司隸而下有罪隸蠻隸閩隸夷隸貉隸皆屬焉罪隸其守王宮與其屬禁者如蠻隸之事蠻隸其在王宮者執其國之僕兵以守王宮在野外則守屬禁閩隸掌守則取隸焉僕

從守隸之衛制然也由是言之環列腹心之衛非兵衛
在內而不出虎士之衛為重兵之衛非王出亦不行四
翟之隸則環衛諸門僕從之徒則整飭騶從此宿衛之
制詳矣然虎賁綴衣無非吉士侍衛僕從罔匪正人

書立

政罔

執劉鉞而上戈刃者皆用冠冕之士大夫

顧命四人蔡弁

執戈上刃夾兩階祀一人冕執劉立于東堂一人冕執鉞立于西堂一人冕執鉞立于東垂一人冕執翟立于

西居虎門而詔王嬭者乃率四夷之賤隸

師氏居虎門司王朝以嬭

詔王地官師氏使其屬帥四夷之隸糾其德行稽其功緒勸以善也

宮正稽其

功緒糾其德行會其掌其糾禁嚴其誅賞防以過也宮

什伍而教之道藝掌其政令行其秩序以由是言之腹心之衛固擇有道

時頌其衣裘嚴其誅賞有德之賢而宿衛之兵亦皆使賢士大夫為之此宿衛

之任嚴矣噫孰知聖人防微杜漸之意不止是耶蓋人

君處內庭之時多處外庭之時少親侍臣之意玩親大

臣之意嚴今宮正宮伯之兵衛郎衛固為太宰之屬天

宮正而虎賁之虎士掌於司馬司隸之五隸掌於司寇

皆聽命於太宰內外相維而賢否無相混之嫌事權不

分而政令無下移之漸此周制之所以盡善也漢制南

軍衛宮衛尉主之

官表衛尉一人掌宮嚴衛屯兵

北軍護京中尉主之

官表掌衛
循京師

南軍則有郎衛兵衛之別如三署諸郎羽林

期門則皆郎衛也

表光祿勳屬官有郎掌守門戶出充車騎中郎侍郎郎中又期門羽林皆

屬如衛士令丞諸屯衛侯則皆兵衛也

表衛尉屬官有公車司馬衛士

旅賁三令丞又諸屯衛侯
司馬二十二官皆屬焉

是衛也非南軍守宮之衛乎

北軍則有調兵募兵之分如三輔兵卒則是調兵而衛

表中尉屬官左右京輔都尉尉丞有兵卒按黃霸為京兆尹坐發騎士詣北軍調馬不適士貶秩則京輔兵卒

者上北如八校胡騎越騎則是募兵而衛表八校尉皆武帝初置中

壘心騎步兵越騎長水胡騎射聲虎賁按八校雖不

明言為北軍然攷之後百官志載光武五營即八校之

並省者而北軍中侯監其營故東漢累有是衛也非北

軍護京之衛乎此漢人南北軍之制也朱虛入衛卒平

諸呂本傳方朔執戟坐折董偃東方朔為常侍郎上使

朔執戟殿下辟戟而前董偃有謂者引內董君偃是時

斬罪三上有詔更置酒北宮袁盎為中郎却慎夫人

之坐本傳日磾之侍縛馬何羅之逆金日磾遷侍中出

馬何羅謀為逆上幸林光宮明旦上未起何羅亡何從

外入袖白刃從東廂上日磾擒縛之由是著忠孝之節

王國侯國拘不得入

漢制王國侯國不得入宿衛龔勝為楚王常侍後三舉孝廉不得宿

衛

同族犯法限不得與

漢制同族犯法不得宿衛龔勝之以甲科為郎後坐弟犯法不

得宿衛

雖以龔勝蕭望之之賢寧從退免則宿衛所任之

人固無愧於周爾然始以南北軍皆隸三公而太尉周

勃得入北軍以成安劉之功可也

本傳

自武帝踈遠外

庭之後衛尉之職領於將軍

王莽以右將軍兼衛尉

城門之兵領

於司馬

成帝世平阿侯王譚成都侯王商紅陽侯王立皆以大司馬特進領城門兵

往往以

中朝任之而大臣皆無與焉大司馬之任又非向時太

尉之比豈知禁嚴之地大臣皆不預聞則凡可以轉移
人主之心志惑亂人主之視聽無所不至異日之變可
見爾甚至東漢以來又舉五官郎將羽林虎賁以職屬
大夫議郎謁者僕射以文屬後官志五官中郎將左右
中郎將羽林虎賁中郎將
羽林監以職屬光祿大夫大夫中大夫中散大夫
諫議大夫議郎謁者僕射常侍謁者以文屬
分屬關

--	--	--	--	--	--	--	--

餘但翊衛二府而已張延師之謹畏至三十年唐職林餘見杜牧原十六衛

為左衛大將軍性謹畏典羽林三十年未嘗有過未嘗有過見上阿史那忠之

清謹至四十八年無有纖隙阿史那忠蘇尼太子也清謹為右驍衛大將軍宿衛

四十八年無纖隙人比之金日磾龐王久典宿衛習知制度龐王久典宿衛習知朝

廷制度高祖顧諸將多不闡儀典故授王段志元衛章領軍武衛二大將軍使衆觀以為模範

武門夜不示詔

段志元為左驍衛大將軍文德皇后之

披戶內使志元拒曰軍門不夜開使者示手則宿衛所

詔志元曰夜不能辨比旦帝嘆曰真將軍

任之人亦無愧於周爾然始以大臣兼領宿衛使文皇

有甘寢之安可也

元微之行於季友右羽林將軍制曰分八舍之衆寡均三庚之勞逸皆將

軍之力也是以李大亮上直禁中而文皇甘寢則心腹牙爪之任不細矣時李大亮以冬官兼也自六

軍禁衛皆用市人其選始輕

天寶之後衛佐悉以假人為軍始京師人耻之至相

罵辱必曰侍官而祿山吐蕃之變神策禁軍外入赴難

國家遂以倚重悉命中人主之其勢益橫

兵志上元中以北衛軍使

衛伯玉為神策軍節度使鎮陝州中使魚朝恩為觀軍容使監其軍祿山反伯玉與朝恩赴難至永泰元年吐蕃復入寇朝恩又以神策軍屯苑自是復盛分為左右廂大歷四年請以京兆之好時鳳翔之麟遊晉潤皆隸神策自是南衙日輕北衙日重矣夫所謂禁軍者蓋太宗

舉義兵起太原已定天下悉罷還歸而願留宿衛者三

萬人給以渭北腴田號曰元從禁軍本為兵立制非為

制置兵

唐兵制初高祖以義兵起太原已定天下悉罷遣歸其願留宿衛者三萬高祖以渭北白渠旁

民棄膏腴田分給之號元從禁軍後老不任事者以其子弟代其後左右羽林龍武神

武及神策神威而總名北衙者豈太宗初制哉

同上貞觀初太

宗擇善射者百人為二番於北門長上曰百騎以從田獵又置北衙七營選材力驍壯月以一營番上始置左右心營於元武門領以諸衛號飛騎高宗置左右羽林軍大朝會則執仗以衛階陛行幸則夾馳道為內仗武后改百騎曰千騎睿宗又改千騎曰萬騎及元宗以萬騎平韋氏改為左右龍武軍肅宗復置神武軍自哥舒翰破吐蕃及安祿山反衛伯玉赴難賜號神策代宗幸陝朝恩舉陝兵并神策元從後遂為天子禁軍德宗又改名且唐之十六衛已備漢人南北軍之制漢以衛尉神威護南軍以金吾巡北軍今十六衛已有金吾將軍掌京城巡警是北軍已寓其間觀白集羽林衛將軍之制所謂國家設十六衛猶漢之有南北軍其知之矣

白集王元輔授

左羽林衛將軍制國家設十六衛猶漢之有南北軍而左右羽林尤稱親重而其元從禁軍

亦猶官制負外之制初非禁衛正兵也今以禁軍為北

衙衛兵為南衙以備漢制豈不過歟北衙既橫之後外

庭諸臣莫之誰何蕭復言之而不見聽

蕭復言艱難以來始用宦官監

軍權望太重是曹止可委官掖高元裕諫之而不見用

事兵要正機勿使叅預不聽本傳敬宗視朝不時決事禁中宦寺恣放大臣不得進見元裕諫曰西頭勢乃重南衙樞密之權過宰相帝頗

悟而不能檢制人皆危之惜夫推原其故皆外臣不預禁軍專歸宦

者其為患至是也噫漢不以中朝屬外朝而使閹宦宿

直卒成何進之亂

何進傳袁紹說何進誅宦官曰竇武欲誅內寵反為所害者以言語漏泄

而五營百官畏中人也將軍宜一為天下除害進然之云云

唐不以北衙隸南衙亦

使宦官典兵反致王叔文之亂

兵志順宗即位王叔文用事欲取神策兵柄乃

用故將范希朝為左右神策節度使以奪宦官權而不克

其視周人以禁衛屬冢宰

之意又何止天淵哉國朝有皇城司有殿前司皇城始

於梁之乾化

五代梁乾化六年詔曰端門正門也宜以時開敞奪陽氣委皇城使

國朝因

其名置親從官數千人入內內侍省都知與副同主判

之

長編仁宗慶厯間張方平言國初循周制置諸班直備爪牙屬殿前司又置親從官屬皇城司嚴立保舉

之法選千人以充內殿之衛

殿前司始於周之顯德

職源殿前司始於周世宗顯德

元年國朝循其舊有馬軍步軍獨殿前得統之是故皇城

一司於內庭宿衛無不預者而獨宿直諸班禁衛無所

統攝至親從之官復命武臣同主其事又非專出於宦

者之手殿前一司雖統攝諸班禁衛而皇城之司亦判

然不相關亦漢南北軍相統之意也

蔡官制皇城司以入內兩都知主內

判定事入內都知無不與知者惟宿直諸班禁衛畧無統攝而皇城司親從官數千人乃命武臣二員同兩都

知主之而殿前復不與此祖宗處軍政深意也而皇城殿前直相維持寔是周

人之遺制不特此爾為金吾者有擁衆渡河之功

高瓊為金

吾將軍真宗澶淵之役瓊擁衆渡河

為虞候者有上䟽論事之直

張耆字元弼真

宗朝為殿中都虞候是時大興宮室之役以奉符瑞宰臣丁謂欲殫財力大臣不敢議耆上言土木之役不足

奉天意

為指揮者有手不釋卷之賢

燕達字逢辰元祐初為殿前都指揮

使然喜讀書手不釋卷神宗以其忠寔可用

抑不特此爾周以冢宰主之國

朝以樞府統之內朝外朝混然一體其政柄兵令一惟

樞府之為聽與漢周間史洪肇之徒為之者異矣

石林燕語

三司天下兵柄皆在其手權雖重而軍政號令則在樞密院與漢周間史洪肇之徒為之者異矣此祖宗之微

意非前世所及也 此其防微杜漸之意豈人之所能及知哉

形勢

淮甸隴蜀荆襄

自古立國於東南其攻守之勢有三曰淮甸曰隴蜀曰荆襄然設險之地不同而守險之術亦異蓋難守莫如淮易守莫如蜀守蜀當以守為守守淮當以戰為守守襄陽如守淮守荆湖如守蜀此謀國者不可不熟究也夫淮之東根本在廣陵而以山陽盱眙為門戶淮之西重鎮在合肥而以鍾離壽春為捍蔽兩淮之地大抵然

也然而道途平行山川廣莫虜騎奔馳衝突莫禦故據
淮而守示以必戰此上策也因其始至逆而擊之此中

策也縱敵平原以步當騎是為無策謝玄破苻堅於肥

水方至之初

苻堅進屯壽陽列陣臨肥水元軍不得渡
元使謂苻融曰君遠涉吾境而臨水為陣

是不欲速戰諸君稍却令將士得周旋僕與諸軍緩轡
而觀之不亦樂乎堅衆皆曰宜徧肥水莫令得上我衆
彼寡勢必萬全堅曰但却軍令得過我以鐵騎逼殺之
麾使却陣亂不能止元以精銳八千涉渡決戰堅衆奔
遁晉謝

楊行密敗朱全忠於清口未合之際

梁太祖遣
葛從周龐

師古攻行密壽州行密擊敗梁兵清口殺師古而其效
從周收兵走追至渭河又大敗之五代吳世家

亦可見也南唐初保淮南劉仁瞻力戰壽春周師逡巡不敢進迨夫陳景達失紫金之屯宋齊丘遏出擊之師

再獻江北而國因以危

五代史紀節傳周師征淮先遣李穀攻壽春仁瞻鎮壽州遣兵

守城圍之數重攻之百端不能下餘見南唐世家

知守淮而不知戰也故曰守

淮當以戰為守蜀之根本在成都而漢中為唇齒漢中為保蜀之藩籬而以陝隴為近援守南鄭則長安為可窺守武興則隴西為可取隴蜀之勢大抵然也然其地羊腸鳥跡棧閣巉絕一夫據險千夫莫當惟固守形勝

乘機俟時則其效為可全捨險輕出衆寡不敵則其勢

為難必是以劉備力守陽平而知曹操之無能為

先主率諸

將進兵漢中分遣將軍吳蘭雷銅等入武關皆為曹公軍所殺先主次於陽平關與淵亭等相拒蜀記詳見諸

葛亮傳注孔明列守祁山而知仲達之難勝

本傳六年春亮身率諸軍攻祁

山關中響震九年復出祁山以木牛運糧盡退軍與魏將張郃交戰射殺張郃注亮時在祁山旌旂利器守在

險要十二其事亦可知耳此後姜維輕出以圖隴西而蜀口

之守不堅故劉氏遂至于亡蜀

通鑑云云

楊亮輕出以爭仇

池而成都之守不固司馬氏遂至於失蜀

同上皆不知

以守為守故也故曰守蜀當以守為守若夫荆之與襄
雖曰密邇而事勢則殊岷冢導漾東流為漢襄陽為一
要會岷山導江灝瀕東注江陵為一機會襄以漢為險
荆以江為險江可恃也漢不可恃也苻堅取襄陽以馬
渡漢晉載記前秦朱全忠取襄陽以浮橋渡漢五代梁太祖記漢豈
足為襄陽之險耶故曰守襄陽當如守淮荊州以江陵
為要而江陵上有夷陵下有武昌洞庭蟠其左漢陽固
其右豈襄陽比耶陸抗言敵得江陵必不能守本傳此

知兵之言也故曰守江陵當如守蜀夫長江可以固吾國也長淮可以窺河南也川陝可以擣關中而荆襄可以圖宛洛也昔者有蜀無荆蜀卒不能舉魏三國志而今日荆蜀險隘吾實有之昔者有江無淮陳卒不能以拒隋而今日江淮表裏吾實兼之則天下之勢今日固得之矣三險雖可恃而形勢殊不侔當得中興之所以守者守之則退可以卧護吾境進可以掃清朔庭爾然以三者而熟究之最難守者固莫如淮而最急守者亦莫

如淮何者蓋兩淮乃吾國之藩籬依山為險則淮之西也恃水為險則淮之東也淮甸坦夷如盱眙安豐鍾離淮陰天長六合等處我之拒敵直一衣帶水之限爾使藩籬不固盜賊闖吾之門戶則堂奧且露立矣徒以孤江與敵對壘豈不岌岌乎昔孫權老於兵間堰瓦梁塢壩須今日攻合肥明日攻六合搖搖兵鋒無日不在淮甸非為經略兩淮計正所以為保長江計也此守淮又今日之所急也故詳論之

畿兵

漢之畿兵始為番上至其後也番上變為常屯常屯變為遠征而畿兵之制壞矣唐之畿兵始為府衛至其後也府衛變為長從長從變為禁軍而畿兵之制壞矣此漢唐內兵三變之由也古者天子之兵止于六軍六軍之兵止于六鄉其出也則為士為卒為旅為軍為師其入也則有比有閭有族有黨有州有鄉兵無坐食之費民無長屯之勞安有如漢唐遠征長從之兵哉古者五

侯九伯二伯專征而諸侯皆共四方之事司馬法王有
四方之事則冢宰召師于諸侯虎賁氏奉書以牙璋發
之

漢食貨志

而詩言元戎十乘以爲啓行之先安有如漢

人輕出之舉哉古者呂伋掌虎賁之士非有宰相之命
則呂伋不敢擅發召公雖得以制命非有二諸侯將命
以往則召公亦不敢以專行內外相制事權散主不獨
命於一人可見矣

書顧命

又安有如唐人私親禁軍而盡

屬於閹宦之手哉按百官表衛尉掌宮門屯衛兵

本表衛尉

秦官掌宮而高后紀言周勃既將北軍然尚有南軍乃令門衛屯兵

平陽侯告衛尉無納呂產本紀以此知南軍為宮城兵

而衛尉主之也明矣又按百官表西漢中壘校尉主掌

北軍營壘之事

本軍中壘校尉掌北軍壘門內外掌西城

至光武變為北軍

中候而西漢之初中尉屬官有中壘令丞尉式道左右

中候而中尉所職乃巡徼京師

本表中尉秦官掌徼巡京師屬官有中壘等互

武庫都舡四令丞又式道左右中候侯丞乃左右京輔都尉尉丞兵卒皆屬焉餘見後官志中興省中壘置

中侯以此知北軍為京城兵而中尉主之也明矣然監五營

漢初二軍衛士皆調發郡國材官騎士而分番為之民

一歲為衛士二歲為材官

漢儀注云民伍一歲為衛士二歲為材官

蓋寬饒

傳衛卒願留更一年

本傳注蓋寬饒為衛司馬及歲盡交代上臨享罷衛卒衛卒數人皆

叩頭自請復留共更一年

則是郡國番上於南軍之制左右京輔都

尉尉丞兵卒盡屬中尉

上注

黃霸為京兆尹發騎士詣

北軍

黃霸傳為京兆尹發騎士詣北軍馬不適士坐貶秩

則是三輔番上於北軍

之制第南軍猶調於郡國北軍第調於京輔此漢初番

上之法猶為近古也夫何武帝增置八校募知胡人事

者為胡騎募知越人事者為越騎

前刑法志又表越騎校尉掌越騎胡騎校

尉掌池陽胡騎

而北軍始有長屯之兵後恐中尉之權太重乃

於光祿勳增置羽林期門皆以世家為之

表武帝建元三年初置期

門太初元年初置羽林掌執兵送從比郎無負

而南軍始有常屯之兵此番上

變為常屯是矣然而未至大壞也夫何光武以來弛郡

國守尉都試之後

高祖紀張晏注曰材官騎士習射御馳騎戰陳常以八月太守都尉令長

會都試課殿最光武省之

罷輕車材官騎士樓船之士

光武紀建武七年詔曰今

國有衆軍並多精勇宜且罷輕車騎士材官樓船士及軍假吏令復還民伍

兵備浸壞雖黎

陽立營領兵騎常千人以謁者監之號黎陽兵

本紀及志

京師南北軍如故不知都試既罷外兵不練而國有征

伐終藉京師兵以出自建武訖于漢衰匈奴之寇鮮卑

之寇歲歲有之或遣將出擊或移兵留屯連年暴露奔

命四方而禁旅無復鎮衛之職

如明帝永平十年遣騎都尉宋苗出平城北伐

匈奴實固破呼衍王于天山留兵屯伊吾廬城之類

或曰東都之兵雖或以執金

吾將或以光祿勳將或以五校將

如順帝紀永和二年以執金吾張喬

行車騎將軍將兵屯三輔天文志車騎將軍都馬越騎校尉馮柱發左右羽林北軍五校征伐胡七年九月隴

西羌反遣執金吾列尚武騎校尉趙世發北軍無非京
五校黎陽雍容及遼胡兵三萬騎征西羌之類

師領兵之官然恐亦如西都故事何以知其出衛兵耶

曰不然西漢之世雖或以內之兵官充將而所將之兵

則明言發某郡車騎某郡材官

高帝紀十一年發上郡北隴西車騎與巴蜀材

官惟宣帝一出羽林欽飛之兵紀以明著之

宣帝紀神爵元年發

應募欽飛射士羽林孤兒胡越騎

若東都則但見遣將行師而已果以

何兵而充之也異時皇甫規願借列屯坐食之兵五千

擊羌

本傳西羌攻隴闕規上疏求乞自效曰云云願假臣兩營二郡屯列坐食之兵五千出其不意時帝

不能所謂列屯坐食指內外郡所養之兵為言也然則用

東漢行師大抵羽林五營黎陽虎牙之士爾此常屯之兵又變為遠征其法盡壞也唐兵有十六衛將軍兵有

五府中郎將兵十六衛兵即諸州折衝府兵番上宿衛

者是

通鑑唐太宗紀十一年更命統軍為折衝都尉別將為果毅都尉凡十道置府六百二十四而關內

二百六十一皆隸諸衛每歲季冬折衝都尉帥其屬教戰當給馬者官與其直凡當衛者番上兵部以遠近給

番猶漢之材官騎士而將軍猶衛尉也五府兵即勳官

子孫以資蔭得補者是又漢之三省郎衛而中郎將猶

漢中郎將也唐則總之南衙衛兵其外又有左右屯營

飛騎起於太原三萬之卒父子相繼者是

見衛兵注

猶漢之

期門羽林唐則謂之北衙禁兵初太宗定府兵之制應

天下之兵皆謂之天子禁軍

見上注

是以遠而諸郡之府

兵近而五府之衛兵又近而兩宮營之親兵皆屬於十

六衛將軍每月番上以備宿衛

唐兵志府兵之制十二衛為左右皆有將軍以

分統諸府之兵有郎將方主團主以相統治又有驃騎二府皆有將軍又見前注

三時務農一

時講武無坐食也籍藏將府伍散田畝無列屯也此唐

府衛之兵為近古也自高宗武后時天下久不用兵府
兵法壞更代不時衛士亡匿張說乃請一切募士取京
兆蒲同岐華府兵及兵丁而益以潞州長從兵共十二
萬號長從宿衛未幾更號射騎自是諸府之兵闕籍不
補折衝之將積歲不遷故兵無全兵將無常將宿衛亦
非宿衛此府衛變為長從是矣

唐志自高宗武后時天下久不用兵府兵之法

浸壞番役更代多不以時衛士稍稍亡匿至是益耗散
宿衛不能給宰相張說乃請一切募士宿衛十一年取
京兆蒲同岐華府兵及兵丁而益以潞州長從兵共十
二萬號長從宿衛歲一番命尚書左丞蕭嵩與州吏共

選之明年更號曰騎射然自是諸府兵益然猶未極也多不補折衝將卒歲不遷士人皆耻為之

祿山之反六軍宿衛往往市人西駕之兵僅止千人靈

武之士至不滿百

元宗末年禁兵浸耗及祿山反天子駕西幸禁軍從者僅千人肅宗赴靈

武士不滿百

而所謂神策兵乃自外來赴難賜號神策朝廷

倚重

兵志祿山反如嚶以伯玉將兵千人赴難伯玉與朝恩皆屯於陝時邊士陷感神策故地淪沒即詔

伯玉所部號神策軍

後幸陝之變朝恩以神策扈乘輿吐蕃之寇

朝恩復以神策屯苑中自是浸盛指為天子禁軍分以

左右廂居北軍之右非他軍比爾

代宗廣德元年避吐蕃幸陝朝恩舉在陝

兵與神策從扈悉號神策軍天子幸其營及京師平朝
恩遂以兵歸禁中自將之然未與北軍比也永泰元年
吐蕃復入寇朝恩又以神策軍屯苑中自是浸盛分異
為左右廂號北軍后遂為天子禁軍非他軍比兵志異

日幸梁之旆方旋而定難之號先及唐之所恃神策禁

軍何如哉

自德宗幸梁還以神策有勞皆號興元元從奉天定難功臣

蓋自肅宗以

後府衛射騎之法再變而京師實恃禁軍以為重如羽

林

高宗龍朔二年始置

神武

肅宗至德二載置

英武

肅宗至德後復置

寶應

代宗以射

生軍入禁中清難皆賜名寶應故射生軍又號寶應軍

神威

兵志自肅宗以後北軍增置威武長興等

軍名額頗多而廢置不一惟羽林龍武神武神策神威
云云總名同左右十軍而神策專以宦官主之其勢尤

盛迨昭宗以朱全忠誅
宦官而神策之軍始廢
名者固不一軍然神策專以宦

官主之其勢獨盛於是南衙之衛輕北衙之衛重而大
勢去矣此長從之兵又變為禁軍其法盡壞也嘗以漢
唐之變詳論之蓋漢方常屯而遠征之變已形唐方長
從而禁軍之勢已橫何者京師既設列屯之兵安坐而
食甚為無謂於是驅以出征此其勢必至府衛既無可
恃之兵一旦有警皆不能甲不得不恃禁軍亦其理然
也惜也漢兵出征之後京師單弱閹宦復恣終藉州牧

之兵以除之閹宦雖除而董卓之禍成矣

董卓以州牧誅宦官

衛既變之後神策獨盛中使弄權終藉藩鎮之兵以誅

之神策雖誅而朱李之變興矣

見上注

強幹弱枝之道

奈何漢唐不察耶國朝定都陳留前無險阻之形後無

藩籬之固我太祖皇帝慮安危之機權內外之勢從容

杯酒藩鎮解權州縣精兵悉萃京師

張方平上疏伏以京師本古之陳留

郡天下四衝八達之地自唐以前嘗為重藩四向無險

阻之形藩籬之固逼近戎狄太祖深慮安危之計始削

諸藩鎮之權屯兵於內連營畿甸

凡禁軍之最親近者號諸班直入侍

殿陞出扈鑾輿隸於侍衛殿前非諸班直者內守京師

外備征伐隸於軍頭皇城驤驥院

長編凡禁軍之最親近者執戟殿陛宿衛

宮省扈從乘輿號諸班直非諸班直隸於御前忠佐軍頭司皇城司驤驥院餘軍皆以守京師備征伐

前司領騎兵之額三十七步兵之額二十六侍衛司領

騎兵之額三十五步兵之額八十三至軍頭僅四皇城

僅二驤驥僅特騎兵之二額焉大抵盡屬於殿前侍衛

之司

長編太祖既得天下收節鎮兵權置諸司軍額自古禁旅之盛無若本朝殿前司領騎兵之額三十

七步兵之額二十六侍衛司領騎兵之額三十五步兵之額八十三御前忠佐軍頭司領步兵之額四皇城司

領步騎之額二左右驂驛
院領步兵之額二通畧

然殿前侍衛始分而二後拆

而三自王超侍衛之職既罷無復任者而侍衛之馬軍

步軍列而二之與殿前號為三衙而殿司又重於馬步

二司矣

實錄咸平三年王超自殿前都指揮使遷侍衛馬步軍都虞候餘見職畧

捧日天武

四廂屬之殿司龍衛神衛四廂屬之馬步二司

捧日舊曰日騎

天武舊曰控鶴龍衛舊曰龍捷神衛舊曰英武太平興
國二年改控鶴為天武龍捷曰龍衛虎捷曰秘衛雍熙

四年改日騎曰捧日皆以美名易禁軍之號也殿前司
捧日天武馬軍司龍衛步軍司神衛謂之上四軍各有

左右廂廂
各三軍

其任至隆其權至重精兵銳卒皆在焉雖曰

京師十萬諸郡十萬内外足相制

元豐五年神宗曰藝祖養兵二十三萬京

師十萬餘諸道十萬餘使京師足以制諸道而外兵之諸道足以當京師故内外相制無偏重之患

弱終不若京師之強也噫其亦祖宗制兵之有道歟

諸道之勇者補禁旅

乾德二年令天下長吏擇本道兵驍勇籍其名送都下以補禁旅

取禁軍之健者隸親軍

太平興國三年後苑親閱禁軍取伉健者隸親軍罷軟老弱悉

分配疲弱之夫退為剩負

建隆二年詔殿前侍衛二司簡驍勇者聽為上軍疲弱者

退為剩負上每御講武殿親臨試之

老弱之卒分隸外郡見選之精矣或

闕後苑見或訓西郊

建隆二年大閱西郊上曰晉漢衛兵數十萬然可用者寡朕親校其

擊刺騎射之藝盡為精銳或習戰朱明池乾德元年鑿池朱明門外

或閱兵講武殿

乾德二年上親閱講武殿得萬餘人屬侍衛司

練之熟矣川班

殿直以妄訴而併廢

乾德中收蜀精兵置川班殿直廩給與御龍直等開寶四年太祖以

龍御直扈從郊祀特命增給而川班殿直不得如例擊鼓上訴帝怒曰朕之所與即為恩澤焉有例哉命斬妄

訴遂廢其班

武雄百卒以肆掠而誅戮

乾德中籍諸道驍勇兵送闕下太祖圍結

為武勇軍凡百餘人白日掠人妻女於城下帝怒捕斬之坊兵作過罪及主將何刻

祖酒坊火發本坊兵士就便作過太祖雲捷偽印真之

以本坊使田處岩等不能部轄處極典

極法建隆三年雲捷軍有偽御之嚴矣居重馭輕之勢

刻侍衛司印者斬之

祖宗謀之何其深歟景祐以來承平日久法制稍弛虎

翼質弱不知戰鬪龍衛力綿不能披甲

慶厯元年田況上兵策七曰新

添虎翼軍自南中選材質綿弱自云不知戰鬪八曰騎兵高者無如龍衛有不能披甲下馬者似過乎

弱也皇城御士至有竊兵

慶厯八年崇政殿宿直皇城司親事官劫取庫兵緣上殿

屋何刻兩上書乞重熙陟軍頭步直或有埋器

皇祐元年軍頭步直兵上擬欲作過於皇

城內先埋藏器仗錢彥遠七上書請根究

若鄰乎慢也群公抗疏不能自己

於是天子振之大臣汰之

韓琦汰冗兵老弱者數萬人

軍政肅而士

心警矣至于熙寧復加振刷有就而合額者有以全部

附隸者有併營而增額者部佐整肅無有名存而實缺

熙寧三年大整軍額有就而合者如龍衛二十九指揮併為二十有以全部附隸者宣威併入威猛廣提而宣威廢罷契丹直撥入神騎而契丹直廢罷有併營而增額者如宣武二十指揮四百人額併為十二指揮五百人為額有就而易名者如驍猛四指揮以第四指揮改充驍雄存三指揮自是部伍齊整無有名存而實缺也

自高俅以恩得用軍政遂弛非復曩時之制

紹興三年胡安國言

本朝分三衛以掌親軍雖崇寧舊章猶在及高俅以恩得用軍政遂弛陛下承寶位而親兵寡弱豈強本之計

高宗慨然嚴訓厲之法

紹興二年擢楊沂中為神武中興統制而言者請增衛兵上曰

朕命沂中治神武中軍皆宿衛兵也遂命沂中兼提舉衛兵沂中嘆曰勾陳天仗卑弱於是招丁壯未半歲軍

容益張遂改中
軍為殿前司

立轉遷之制

紹興五年時諸將所總歲歲奏功而天子親兵久無

遷轉趙鼎請立為轉

神武中軍改入殿前

見上

都督軍

馬悉隸三衙

趙鼎言都督府兵馬合隸三衙上曰祖宗故事軍馬未有不隸三衙今正之甚善

懔懔乎國初之遺意噫盛哉愚嘗究觀祖宗內兵之制

其微意猶有二以發兵之權付樞府以握兵之重委三

衙欲其彼此之相維一也故有樞密承旨權馬司者而

范公祖禹力言不可兼有發兵握兵之職

范祖禹言樞密副都承旨

曹誦權馬軍司祖宗兵法本於樞密有發兵之權而無握兵之重京師之兵總於三帥有握兵之重而無發兵

之權今樞屬官任管軍是本兵之地又得握兵合而為一非祖宗制兵之意以禁軍之強者

備周廬以禁軍之次者代諸路見前注欲其畿兵之不出

二也故皇祐邨有警畿兵調發而包公拯言調畿兵

非固宗社之策

皇祐元年包拯言畿兵雖有大故不可多調發近來邨有警乃一例調發恐

非固宗社制夷狄之良策今祖宗成憲萬世不易然中興以來殿司

步司守護王畿馬軍一司出戍金陵

畿兵馬軍一司中興以後嘗出戍建

康雖咽喉之鎮欲示威重而根本之所盍以權其輕重

乎

州兵

神宗有言藝祖養兵二十二萬京師十萬餘諸道十萬
餘使京師足以制諸道諸道足以當京師故內外無偏
重之患深矣哉我藝祖立國之謀也神矣哉我神宗察
治之智也

神宗嘗曰藝祖養兵比二十二萬京師十萬餘諸道十萬餘使京師內之兵足以制諸道

諸道則無外亂合諸道之兵足以當京師則無內變內
外相制無偏重之患天下承平百餘年蓋因於此王珪
曰國朝兵制雖詳莫能推明其意
張璪曰非陛下神聖孰能知之愚嘗仰稽聖訓遠閱

歷代其治亂安危未有不由乎此古者六鄉之內六軍

寓焉六遂之內軍又倍焉此在內以為強本之地征徐

以魯伐貊以韓平淮夷以江漢此在外以為治亂之具

費誓魯侯伯禽宅曲阜徐夷並興東郊不開作費誓孔安國注徐戎淮夷並起為寇於魯魯侯征之於費地為

誓衆於魯東郊之地下文甲戌我惟征徐戎又韓奕詩王錫韓侯其追其貊奄受北國又江漢詩命名召公平

淮二者不可偏失也尚矣至秦初銷鋒鏑聚咸陽而陳

勝至乘虛以外亂過秦論又陳勝傳後復以重兵伐趙而漢高

掉臂而入關章邯提內兵伐趙漢高帝遂入秦關內外不能相維此秦所

以不支爾噫秦之覆轍豈不可鑒而漢唐之君復蹈之

君子未嘗不嘆其謀國之疎也嘗謂漢唐內兵之制其
變適同而外兵之變亦無以異大抵始失於過重故盜
賊有竊興之便後失於過輕故牧鎮有難去之患其本
末有不難攷者且漢列郡有都尉佐太守典武職甲卒
王國則以內史比郡守中尉比都尉侯國則亦有相秩
比天下令長前官表郡尉秦官掌佐守典武秩甲卒秩
比二千石景帝更名都尉後百官志注漢
舊儀曰大司空何武奏罷內史相如太守中尉如都尉
漆職是後中尉爭權而互相奏常不和也後百官志侯
國每置相一人其秩各如本縣注曰主治民如令
長同上中尉一人比二千石注職如郡尉主盜賊每歲

八月會太守都尉令長相丞咸預各以其方之所習而

課殿最焉

前高帝紀材官騎士習射御馳騎戰陳常以八月太守都尉令長咸會都試課殿最也

巴蜀三河潁川之材官

按高帝十一年發上郡北地隴西車騎巴蜀材官

壯地天水安定之騎士

武帝元鼎六年發隴西天水安定北地上郡騎士

會稽之樓船

地里志廬江郡有樓船官又卜式傳願與傳昌習樓船者擊呂嘉又伍被傳有潯陽

之船又朱買臣傳為會稽太守詔到郡治樓船

是也然齊王發兵并琅琊兵而

西以赴諸呂之難則外兵足以制內

諸呂謀亂朱虛侯如京師使人告兄

齊王王遂發兵又并琅琊兵而西以二國兵入京師

亞夫將二十六將軍往擊吳

楚則內兵足以制外

本傳

漢初相制之意非不善也夫

何都試一罷外備單弱

後百官志中興建武六年省諸郡都尉并職太守而都試之役

省闕於是北胡有變始置度遼官

明帝紀永平八年初置度遼將軍屯五原

漫南蠻或叛則置象林兵

和帝紀永和十四年五月初置象林將兵長史官

羗

犯三輔則置長安雍二尉

安帝紀永初四年匈奴寇常山初置長安二營都尉官

鮮卑寇居庸則置漁陽營

安帝紀建光元年鮮卑寇然居庸十一月置漁陽營兵然

兵不素練戰非素具臨時取辦每出輒北外兵終失於

弱耳迨至盜賊競起外始盛置立為積射

鮮卑傳延平四年鮮卑入

上谷攻居庸關復發緣邊諸郡黎陽募為陷陣西羌傳

營兵積射士步騎二萬人屯列衛要

假司馬募陷陣士擊零昌於北地

遣置義從

段紀明傳桓帝咸熹四年冬上郡由氏隴西烏吾諸

種羌共寇并涼二州紀明將湟中義從討之

州為牧鎮

靈帝從劉焉之請牧刺史新置牧

外

兵既重內兵復弱盜賊雖衰牧鎮已盛是以京師有變

則邊郡長驅而至董卓曹操之徒相繼而入漢祚遂以

鼎立此又矯重外兵之失也

董卓曹操皆以鎮兵入京師

唐之府兵

折衝都尉雖遙隸於諸衛軍城守捉實散在於諸道每

歲季冬折衝將率兵馬之在府者置左右校習戰陣之

儀步隊騎隊之有其制擊鉦伐鼓之有其節國無不習

之兵

兵志太宗貞觀十年更號統軍為折衝都尉別將為果毅都尉諸府總曰折衝府凡天下十道置府

六百三十四皆有名號而關內三百六十有一皆以隸諸尉唐初兵之戍邊者大曰軍小曰守捉曰城曰鎮而總之曰道其軍城鎮守捉皆有使而道有大將一人曰大總管又唐每歲季冬折衝都尉率五校兵馬之在府者置左右校尉每校為步隊十騎隊一皆卷稍旂展刀旂散立以候角手吹大角一通諸校皆斂人騎為隊云

云然府兵六百三十四所以三百六十有一在關中固

為重本計而復道二百有餘分布錯置亦為防外設唐

初相制之意非不善也

見上

夫何更代法廢諸府之籍

不補折衝之將不遷

唐制張說以府兵為射騎然自是諸府士益多不補折衝將積歲不

遷士人皆耻為之

及范陽之變所過州縣望風瓦解如入無人

之境外兵蓋失於不補耳

唐祿山反范陽所過州縣望風瓦解又顏真卿傳祿山反

河朔盡陷獨平原城守備元宗嘆曰河北二十四郡無一忠臣邪

迨至諸鎮之兵共起

討賊其後安史繼亂中國雲擾肅宗命李光弼等討之

號九節度之師大盜既滅而武夫戰卒以功起行陣者

皆除節度由是方鎮相望於內地朝廷不能制而甘為

姑息之政

唐兵志祿山反犯京師天子之兵弱不能抗遂陷兩京肅宗起靈武而諸鎮之兵共起誅

賊其後祿山子慶緒及史思明父子繼亂中國大亂肅
宗命李光弼等討之號九節度之師大盜既滅而武夫
戰卒以功起行陣列為侯王者皆除節度由是方鎮相
望於內地大者連州十餘小者猶魚三四天子不能禁
則忍恥含垢因而撫之謂之姑息之政始時為朝廷患
者河朔之鎮及其末朱全忠以梁兵李克用以晉兵更
犯京師而李茂貞韓建近據岐華妄一喜怒兵已至國
門矣其他大鎮南則吳浙荆湖閩廣西則岐蜀北則燕
晉而梁盜據其中自國是以京師有變藩鎮亦驅兵而
至朱李之徒相繼犯京見上唐族遂以瓜裂此亦矯重
外兵之失也嗟夫輕則盜賊以乘隙重則收鎮以據兵
為國者安可不權其勢歟國朝州兵之制有禁軍有廂

軍有禁廂軍國初以天下精兵萃之京師而其餘者分

布於諸郡以備戰衛此謂之禁軍

見衛兵門

宋有天下以來

凡後使營繕不調於民皆兵後之此謂之廂軍

兵志國朝以備

戰衛為禁軍以給徒役為廂軍各隸其州之本城由總
於侍衛而兵部掌出號令又以廂軍教閱者始號禁廂

軍后以為下禁軍熙寧三年詔以禁軍分五都法以檢
治廂軍熙寧元豐之間廂軍之數視祖宗時益重矣自

三代后凡國之役皆調於民故民以勞弊宋有天下悉
後廂軍凡役作及諸營繕民無與焉故民力全固承平

年熙寧取廂軍之壯者而教之留之在城免其難役此

謂之禁廂軍

見上

然州郡所恃以為屏翰王室者惟禁

軍而已其始末可不論歟蓋太祖懲前代之弊收藩鎮之兵連營畿甸守衛皇居而州郡之兵不免有疲弱之

弊至咸平以後循習日久諸郡撤備

咸平三年王禹偁言太祖之初十分

天下有其七太宗嗣業天下一家議者乃合江淮諸郡毀城湟撤武備者三十餘年後恐太弱乃

募陝西之強壯為保毅簡保毅之精卒為振武於是有

保毅振武之禁軍

咸平四年九月詔陝西民家出一丁號保毅軍給資糧與正兵分戍守城

壘遣御史吳侑與轉運使同主其事凡得六萬八千七百九十五人具緣邊兵上先選中者並陞為禁軍號保

捷景德元年陝西運使言西面沿邊諸州於保毅諸軍內簡集成振武軍四十指揮自立北軍邊聲振戎不敢

寇康定以來元昊陸梁禁衛皆西乃籍民兵以補軍籍

陞廂軍以充禁旅於是有保捷武衛宣毅之禁軍

張方平言

康定之末慶厯之初議刺民兵極論其害今日果然太祖朝兵不及十五萬太宗朝不過四十萬祥符已後稍稍消伏而因西戎阻命始籍民兵俄以補軍籍陞諸州廂軍以充禁旅陝西河北京東京西增置保捷一百八十五指揮武衛七十四指揮慶厯間鼠竊內訌復於閩浙

江淮間脩武備增指揮於是復有保毅之禁軍

同上慶厯三年

因王倫張海等賊於江淮湖浙福建諸路又添保毅等二十四指揮凡內外增置禁軍約四十二餘萬人通三朝兵八九十萬其廂軍自是而後或刺義勇

治平初刺義勇軍十

卿軍義軍不在此數

五餘萬

或校廂軍

見上

而兵始克大備在慶厯已有八九

十萬治平後有十五餘萬至於熙寧又不知其幾矣祖宗所以權衡內外之勢何其當耶然在國初常精在今日常惰豈非役之太過歟夫兵者不役役者不兵今諸郡所謂禁兵者大抵與廂軍無異技巧工匠者若人也改借占留者若人也又或者常時執法物備呵導以兵也若是而謂之禁軍其不習於驕且惰乎求其所以教之則有兒戲而無法制也有賞賚而無黜責也器械

之相角不能無精而不能皆精弓弩之俱發不能無中而不能皆中膂力無爭戰之苦而賞給有必得之利日未及旻返旆而歸是旬教月教春秋大教反為官吏遊賞軍級邀求之目何有於較藝春秋大閱差官按教反為路分鈐轄騷擾州縣之資何有於教閱禁軍且爾廂軍又何暇教乎夫州縣之兵即殿侍之兵名曰在外實統於內更戍迭出於殿侍二司者皆精卒分於州縣者皆惰兵蓋殿侍二司了無他役而州縣不專為兵故也

是則熙寧私役禁軍之制在今日不可不講也

熙寧中私役禁

軍雖經郊叙復永不與親民差遣

況國朝之制庫曰軍資官曰叅軍

曰贍軍而為守倖者亦先軍而後州其於軍事重矣詎可視曰期會故常而不加之意乎

屯田

田不井授國有兵費糧以漕運士有饑色

孫子千里饋糧士有饑色

後之欲為富國足兵之計者不出屯田之制耳蓋自文

帝募民耕塞下已有屯田之說

晁錯傳錯言守邊備塞勸農力本當世急務其

畧自武帝遣戰士田燉煌至鹽澤始有屯田之規前西

漢興至于孝武始開西域自燉煌而西至鹽澤往往起程而輪臺黎渠皆有田卒數百人成於昭宣

廣於魏晉而極盛於唐大抵漢之屯田以兵唐之屯田

以民其餘歷代或民或兵蓋不一也漢自通西域始於

校尉將卒屯田渠黎而車師前王庭專用戌己校尉見上

餘見西域傳趙充國既罷兵留屯田蓋弛刑應募及淮陽汝

南兵故曰九校萬人郡騎伉健胡騎各千倅馬什二則

為遊田以防寇鈔趙充國傳此非兵耶唐因軍府以置屯田

天下之屯凡九百九十有二或隸司農或屬苑內或分

諸州或以卿少循行或以御史蒞輸或有警以兵千人

助護此非民耶唐兵志其他始屯渭水蜀諸葛亮傳分兵屯田為久駐

之基耕者田荊州晉羊祜鎮襄陽墾田八百餘頃祜之

雜於渭濱十年則如漢人之制也任峻之募田魏志任峻傳曹操以任峻為興農中

郎將募民隋人之立堡隋高祖開皇二年於河西百姓立堡屯田則如唐人

之制也要之皆可省運漕而寬國費兵民俱便也然尚

論屯田之制其說有三兵屯而不戰則可以耕議定而

不搖則可以耕命將帥以先士卒則可以耕何者春務
方殷邊塵復警秋禾方熟胡騎復蹂屯其可久乎甲可
乙否徒憚一勞彼是此非或惜暫費屯其可成乎應容
師募稼穡為浼嬉遊連營耒耜所羞者尤不可之甚者
三者而一失焉則難就矣諸葛之屯渭上見張公謹之
屯代郡張公謹傳正觀初為代郡都督置屯田以省餽運皆養兵蓄銳而不廢
耕墾者歟金城之屯議者紛紛而充國卒違詔罷兵以
成屯田之利趙充國傳許下之田疑若旦攻夕戰而不

暇者而曹公獨從棗祗之計而歲得數萬石

魏公曹操破黃巾恐

軍之不足羽林監祗建置屯田於許下歲得穀百萬斛皆素有成謀而不惑異議

者歟子儀躬耕百畝軍士不勸而耕

代宗時郭子儀以河中軍食常乏乃

躬耕百畝將校以是為差軍士皆不勸而耕卒成野無曠土軍有餘糧之效婁師德身衣皮

袴士卒樂為之田

婁師德為豐州都督衣皮袴率士卒屯田積有數百萬

皆將帥

率先士卒之驗歟五代干戈之餘所在土曠民稀農田

之政往往殘缺而不補國初始創營田務於唐鄧襄三

州雜置營田使於河北東西路

國初有屯田使屯田務襄唐鄧三州有營田務

如州通判陝西路營田招置使夫創務以督其耕置使河東漕運兼東路招置營田使

而勸其事務農之政可謂切至然以州而論則僅行於

三州以路而論則纔舉於兩路猶未繼及於天下自端

拱以來又置使於河東其後樊知古等出使則盡推其

法於逐路而屯田之利始博

端拱二年以陳恕為河東路招置營田使欲大興營

田當雍熙之間強胡累為邊害天子念守兵歲廣於是方田之法自此始是後開易水疏難拓修鮑河之利邊

屯以次立矣時命樊知古等出使

時或調兵卒田河北續通鑑王守斌田永興以戍卒

王沿之田河

或調丁夫田襄陽

真宗咸平二年耿望知襄州置營田上中下三

北以役卒

務調夫五百築堤市
牛七百頭分給之

兵民蓋通用矣然成說未定衆議

易搖作室道謀欲書掣肘此君子所深惜也故雍熙遣

議臣於宿毫壽春襄鄧之間得田可治者三十六萬頃

養兵待敵可也而任事者破其議而終莫興焉

長編雍熙中遣

議臣東出宿毫至壽春西出許潁轉陳蔡之間至唐鄧
則得田三十萬欲脩耕屯之業天子尤意向之而任事

者頗壞其計
故功不立

淳化命屯田使於河北沿邊之地建田種

植禾稼成熟將帥在責勤也而沮其議者頗衆焉

淳化四年

初何承矩至滄州即建屯田之議上意頗向之會黃懋
以上書請知河北諸州興作水田以承矩為制置河北

沿邊屯田使承矩建水田之議沮之者頗衆又武臣亦耻于營葺細作既而種稻又不熟羣議益盛幾罷其事及是承矩載稻穗數車還闕下是不特在神哲之時也中興以來尤切

留意書充國留屯之事其勉之也至

高宗紹興六年上曰朕昨在會稽嘗

書趙充國傳以賜諸將但上下不能奉承

申建隆歲課之法其督之也勤紹興

十八年九月上曰淮南阡陌相望素號沃壤今皆為不耕之田良由州縣不務招來安集以致流移未盡復業建隆初以戶口增置為守令歲課之法宜令使部申嚴行下淮南官莊四十三耕田二百二十五頃官得萬九千九百九十八石建隆官莊三十九耕田

一百八十四頃官得六千五百三十石

倣陝西弓箭

手之規其謀之也審

詔令孟庾韓世忠措置將兵馬為屯田之計體倣陝西弓箭手法所

貴耕植漸廣 韓世忠田金陵 紹興二年詔左司張綱等條具陳說及臣僚獻議屯

田畫一以聞中書門下言建康府南南北岸荒 田甚廣詔令孟庾韓世忠措置為屯田之計 岳飛田

鄂州 岳飛任宣撫使日於諸軍揀撥老弱不堪披帶官兵七千餘人立為撞軍名額專使營田於鄂州

王之奇田兩淮 紹興九年令知揚州王吳玠田梁洋 紹興

五年詔吳玠於梁洋等州措置官庄 當時淮南官莊四

屯田今已就緒漸省餽運以寬民力

十三耕田二百二十五項官得萬九千九百九十八石

建康官莊三十九耕田一百八十四項官得六千五百

二十石 見上 其明驗可見矣今之為邊計者果能行是

策乎否也聞有帶措置屯田之衝者矣而率先士卒未聞也知有省漕運寬民力之議者矣而留屯省漕未知也間有充國棗祗之徒出為國計不以異議而搖則以小費而沮所以方成而遽廢也夫今兩淮之地沃壤千里淮之右如安豐如合肥淮之左如淮南如瓜步雷塘之田既耕則淮之左可守芍陂之田既耕則淮之右可守屯田之利其可不興乎昔鄧艾屯兩淮淮之南北計五萬人什二番休尚有四萬度六七年間十萬之衆有

五年之食即今兩淮之遺迹也

見上今荆襄之區瀰漫

相望西出河洛不盈百里近可以通關輔綴隴蜀遠可

以俯視秦趙據上流鮑渠赤河之利既興則樊城沔口

可無屯戍之患屯營之利其可不興乎昔羊祜之於襄

陽減戍還之卒墾田八百餘頃始至無百日之糧季年

乃有十年之蓄即今荆襄之遺迹也

見上以魏晉且爾

況今堂堂之天下乎今倣魏晉之故地參漢唐之舊規

近邊則以兵內地則以民兵責之將帥民責之守令以

是而課殿最以是而考能否又安有難就之緒哉士飽而歌馬騰于槽可旦夕異耳

民兵

以民為兵古法也然古者之民樂於為兵後世之民憚於為兵蓋其為說幾千百年於此矣愚嘗推求其故蓋古者寓兵於農後世寓農於兵又其後也籍農以為兵蓋民兵之名雖同而民兵之意實異也夫寓兵於農自為己衛而民不知其為兵寓農於兵樂為公役而民不

害其為兵至籍農以為兵者非所願為而強之使從非

所素習而驅之使戰民於是乎不堪矣成周盛時比閭

族黨皆伍兩軍旅之師

禮大司徒令五家為比五比為閭四閭為族五族為黨五黨為

師五師為軍又小司徒乃會萬民之卒伍而用之五人為伍五伍為兩四兩為卒五卒為旅五旅為師五師為

軍凡起徒役毋過家一人

蒐苗獮狩皆征伐擊刺之制

夏官大司馬又左隱五年

春蒐夏苗秋獮冬狩卿士大夫皆將帥司馬之職此寓兵於農也

漢人調兵之法起田中者為吏卒

馮唐傳士卒從田中起安知尺籍伍符

為衛士者業農桑

後禮儀志罷遣衛士勸以農桑

唐府兵番上之制無

事則執耒以耕有警則荷戈以戰此寓農於兵也及其

後則兵民一裂不可復合始矯而正之不過籍民為兵

而已昭義步兵雄冠山東

李抱真傳抱真為懷澤路觀察留後凡八年抱真策山東

有變澤潞兵所走集乘戰伐後賦重人困軍伍彫形乃籍戶三丁擇一蠲其徭租給弓矢令閑習三年皆為精

兵乃曰軍可用矣遂雄山東雄邊子弟威伸南詔

李德裕傳

天下稱昭義步兵為諸侯冠雄邊子弟於安定弓人河中

徙劍南西川乃建籌邊樓又調甲人於安定弓人河中弩人浙西由是器械犀銳謂之雄邊子弟於是二邊浸

懼南詔還所俘此固籍民為兵之效然其弊也自兵而戰而非武庫之器自農而食而非縣官之給民未免有憚役之

勞又其弊也散於州縣者籍為營壘之符游於田畝者
律以卒伍之令民未免有怨恨之情其視抱真德裕之
謀畫又不及爾民安得樂而為之哉我國家以仁立國
不專在兵自河東既平之後西北二患我獨當之

趙普曰云

云故咸平景德中多有事於西北是也自是中國之兵

增至六十餘萬然問其禁旅不若土人也

景德二年陳貫上兵論三

篇言禁旅當以衛京師不當戍邊莫若募土人

問其東兵不若土兵也

田況言振武保

捷皆是土兵材力伉健武藝精強其餘請給徵甚不及東軍之下者新添武藝軍不知戰鬪若添土兵請給其

立功必不在
東軍之後

是三路備邊之民兵盖有益於國家河北

河東之強壯陝西之保毅其所謂民兵乎謂民兵果盡

善耶則未免羣公之所議謂民兵果未盡善耶則何為

服邊人之心也嘗究始末而論之夫河北河東強壯之

民自五代時瀛灞諸州恃以雄壯國勢至景德間以其

明效於前代遂以籍民而為之人以五百而為指揮射

極至精而為校長此強壯之集本民兵也

長編河北河東強壯自五

代瀛灞諸州已有之恃以為壯真宗咸平三年始詔河北民家二丁三丁籍一四丁五丁籍二六丁七丁籍三

八丁以上籍四為強壯五百人為指揮置指揮使百人為都置正副都頭二人節級四人所在置籍擇善射者第補校長聽自置馬勝甲者蠲其戶役尋募其勇敢團結附大軍為柵官給鎧甲

陝西保毅之

名自咸平間詔陝西家出一丁號為保毅官給資糧戍

同禁旅既主之以轉運遂撫之以六萬八千之衆簡閱

既精義勇可用此保毅之集亦民兵也

長編咸平四年詔陝西民家出

一丁號保毅官給資糧與正兵分戍守巨壘遣御史吳倩與轉運使同主其事凡得六萬八千七百九十五人其綠遣兵士先選中者並陞為禁軍號保捷至後元昊陸梁禁兵皆西州郡

單弱莫備不虞強壯保毅之外復簡弓手之兵亦一時

不得己之計此弓手亦皆民兵也

慶歷二年詔簡河北強壯刺為義勇不願

者釋之有其籍以備守葺城池自此強壯浸廢又簡河東鄉弓手亦為義勇而陝西之弓手為保捷分戍邊外

時初置義勇人情訥訥乃詔李昭遠開諭父老民始安焉長編本朝方元昊之叛也禁兵皆西而諸路守兵多

揀赴關郡縣無備乃命召額外弓手蓋邊兵居沙磧之地苦寒好勇自古

禦寇却敵非此不可而兩河陝西之民灑沐風雨諳歷

山川材力伉健天性純實無事則射獵自娛見敵則奮

不顧身苟優其田疇安其室廬使力耕死戰世為邊用

則可以減屯戍省餽運為不易之利

慶歷二年賈昌朝言河北河東強壯

陝西弓箭手之屬蓋土兵遺制也且戎狄居苦寒沙磧之地惡衣食好馳善射自古禦寇却敵非此不可今宜優復田疇安其廬舍使力耕死戰世為邊用則可以減屯戍而省供饋為不易之利內地州縣增置弓手亦當給如鄉軍之法而試之民何憚而不為哉惜也強壯之兵始者不

過鳩集鄉閭

見前注

後至抽赴京師

田錫咸平六年上疏今國家為少闕

京兵防禦遑戍遂於曹單永毫陳蔡汝潁之間點集騎士揀選強壯得五七萬人諸聞始降宣命指揮只令本城防守及至奏聞都數即並抽赴京師又後湮為正軍如此失信令下皆懷怨望豈得無詞

而強壯之意

張方平慶歷四年上疏臣伏見宣差朝臣分路往陝西河東京東西路於前來

點差強壯弓手內招募願充軍人分配宣毅保捷者自去歲初降勅命點差強壯弓手之時民間喧然皆言此

時點差皆以強壯弓手為名實點補軍籍敕旨屢下原論只要護縣鄉必不起從征戍郡縣又多方安輯民猶猜驚今此命果下如民所素料此後命令無保毅之兵復可信此其不便一也遂歷陳六不便之說

始者無異編氓後至刺手黥面

張方平慶歷中論刺陝西路悉充保捷軍京東

西路弓手強壯悉刺充宣毅又司馬溫公治平元年議刺陝西義勇總十五萬六千八百人司馬公極言其不

可韓公琦曰君但見慶歷間陝西鄉兵初刺手背後皆刺面充正軍憂今復然耳今已降勅永不充軍邊戍矣

吾在此君何憂光曰相公長在此可也他人在此因已成之兵使運糧戍邊反掌間耳後義勇運糧戍邊率以

為又後運糧戍邊

見上注

而保毅之制失至三路弓手

之兵或刺充宣毅或刺充保捷

見上注

皆求為禁兵矣

嗟夫散在郡縣自蠶自食不耗帑帛不蠹廩粟國無所費也自處以連營則仰給縣官耳身為丁氓為農為兵有事而戰休戰而耕民以為便也自隸以正籍則終身

失業爾

張方平上疏強壯弓手各在郡縣未去農業若朝廷用漢代耕之術因唐防秋之法入耕出戰

通為防戍則是農不去業兵不含備不困帑廩之積當時丁壯之人今既籍為正兵處之連營則其衣食財用仰給縣官此其不便也夫韓公一代元老也措謀立畫夫豈不審

弓箭之剌率皆市人所至為寇張公已言之而韓公未

之聽

墓誌時於諸路刺弓箭手為宣毅保捷指揮方平連諍之不從所刺兵皆市人不可用而宣毅驗甚

所至為寇讖者以義勇之刺其後戍邊率以為常

見前

不從方平言為讖

注溫公已言之而韓公未之信是豈韓公之慮不及二

公耶噫公非不慮及此也觀公請刺義勇之疏謂三路

當西北控禦之地宜點義勇止刺手背一時不無小擾

而終成長利是公亦知一時之擾但心乎為國故不暇

恤矣

韓琦治平元年奏今之義勇河北幾十五萬河東幾八萬勇悍純實生於天性陝西當西事之初亦

嘗三丁選一丁為弓手其後刺為保捷正軍及夏國納款所存無幾河北河東陝西三路當西北控禦之地事

當一體今若於陝西諸州亦點義勇止刺手背一時不無小擾而終成長利詔從之觀公誦石壕

吏之詩謂後世調兵於民殆無虛歲今收拾強悍養以
為兵使終身保骨肉相聚之樂是公蓋憫其調兵戍邊
之弊故心乎為民他不暇問矣

別錄琦議及養兵事慨然曰琦有所思而得養

兵雖非古然自有利處昔者發百姓戍邊無虛歲杜甫
石壕吏篇調兵於民其弊至此後世既收拾強悍無賴
者養之以為兵良民雖稅歛良厚而夫何熙寧大臣用
終身保骨肉相聚之樂此豈小利

趙子幾之言行團集保甲之法而民病尤甚夫強壯團
結之名在咸平亦嘗行之

見上注

然不過藉之以威夷

狄熙寧欲廣其法於天下始命三路盡團而為甲焉

熙寧

三年因趙子幾之請藉畿民為保甲置提舉官教閱之後推行諸道方耕而輟方耘而罷

民於是有羈縻之苦既受笞於長正又受辱於縣令又

受笞於提舉之官民於是有鞭笞之苦

王岩叟論保甲之苦朝廷知教

民以為兵而不知教之太苛而民不易堪知別為二司以總軍而不知擾之太煩而民以生怨方耕而輟方耘而罷方幹而去此羈縻之所以為苦也其教也保長得笞之保正又笞之巡檢之指使與巡檢者又互鞭之提舉之官長又鞭之一有逃避縣令又鞭之此鞭笞之為甚苦也時父老之諺曰兒曹空手不可以入教場非虛語也此誅求之所以甚苦也 諺曰兒曹空手不入教場民之不堪甚

矣

上注

天子曰民兵妨農也安石曰以農為兵也

上論變義

勇為民上曰民兵雖善止是妨農事如何安石曰有事以農為兵始發之以戰守其妨農之時少云云

子曰民兵未可恃也安石曰不患不為用也

上曰止是民兵未可

恃以戰守奈何安石曰有往往借周官閭胥比長之說

以自文其誰欺邪

安石與馮京辯河北弓箭射法云云兩司馬即是閭胥伍司馬即是比長

但隨時異名而已

善乎程明道之言曰有關雎麟趾之意而後

行周官之法度

語錄

惜乎安石之不悟也可勝嘆哉雖

然亦不可因噎而廢食也中興以來兩淮荆襄專倚民兵以為重其經畫亦有具矣然無事具其名而有事不

收其用何者總於總管者總管不之恤領於郡守者郡
守不之念賦役蠲免為惠幾何旗幟器械悉令自辦今
果何時而不之顧耶噫得一曹公瑋則陝西皆良兵言
衛錄用一種世衡則青澗皆善射同上種世衡在青澗
城課民習兵以銀為
的射中與之後
人無不能者
有官守者盡加勉

古今源流至論續集卷一

欽定四庫全書

子部

古今源流至論續集卷二

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣黃熙純

欽定四庫全書

古今源流至論續集卷二

宋 林駟 撰

兵權

天下有二權兵權宜分不宜專政權宜專不宜分政權
分則事無統兵權專則事必變此善計天下者所宜審
處也三代而下兵權散主有司有扈之師六事咸在牧
野之戰三卿同出書稱太保仲桓南宮毛俾齊侯呂伋
以三千戈虎賁百人逆子釗而常武詩亦曰王命卿士

南仲太祖太師皇父整我六師王謂尹氏命程伯休父
左右陳行戒我師旅且太保相也非南宮之使不能專
令兵師齊侯將也非太保之命不敢擅興禁旅夫以二
兵百士而二三大臣參互職掌至於皇父整師尹氏播
令程父出征則兵無專制將無專權大略可攷是以兵
滿天下居然若無皆措置之謀審矣是意也漢人得之
而無內變外叛之慮唐人失之而有宦官方鎮之禍自
今觀之漢太尉本王命也然北軍雖矯入而南軍復不

得入周勃欲入北軍不得入紀通尚符節乃令持軍正節矯入內勃北軍復使人告南軍毋納呂產軍正

次於將軍也然正不屬於將軍將軍有罪以聞胡建傳天漢中

建守軍正承時監軍御史為奸穿北軍壘垣以為賈區建斬之上奏曰臣謹按軍法正無屬將軍將軍有罪以

聞南北之軍雖有職掌復設護軍無專制也前表護軍都尉武帝

元符四年屬大司馬通典漢將軍之職因事而置事已

輒罷無常守也若漢大將軍車騎將軍左右前後將軍有常職其他將軍因出征伐始置如驍

衛如輕車如材官如屬門故內無專兵之患漢兵大計

皆在郡國內而宿衛皆取郡國外而征伐亦取郡國然

都試之後太守都尉事也而縣之令長丞尉必欲俱會

其相察至矣

漢制每歲八月會都試郡太守縣尉令長咸預以課殿最調兵之權郡

守可專也而非虎符稽合不敢擅興其防微深矣

文帝紀

與郡守為銅虎符應卻曰銅虎符第一至第五是故都國家常發兵遣使者至郡合符符合乃聽受之

試而不詣試所者必免

燕王旦傳將軍都郎羽林注師古曰都大也謂大會試漢光祿

典令諸當試者都試而僭上者必誅

韓延壽傳御史按延壽在東郡試騎

士治飾兵車望之効奏齊哀王欲發兵非有虎符而遽

止齊懷王傳齊哀王欲發兵誅諸呂太尉周膠西王卬勃及陳平曰王欲發兵非有漢虎符驗也膠西王卬

因發兵無虎符而自殺

吳王濞傳漢將弓高侯顏遺膠西王卬書曰云云王肉袒叩頭

漢軍壁謁曰云云將軍曰王苟以誅晁錯為不善何不
以聞及未有詔虎符擅發兵擊義國乃出詔書為王讀
之曰王自圖故外無擅兵之憂自唐府兵一壞禁衛大
之王遂自殺

權盡歸中人魚朝恩專神策之兵

代宗吐蕃之難魚朝恩以神策兵屯苑中

劉國珍位太師之權

宦者吐突承璀傳詔內常侍劉國珍馬朝宗分領易定幽滄等糧料

使諫官李庸白居易等衆對延英承璀充諸軍招討之

謂古無中人位太師恐為四方策使白居易傳會王承宗叛帝詔吐突承璀率師出討居

易述唐家制度每征伐專委將帥責成功比年始以中人為都監韓全義討淮西賈良國監之高崇文討蜀

劉正亮監之自興天下兵未有以中人專統領者神策

既不置行營節度即承璫為制將
又充諸軍招討處置使是實都統
韓全義討淮賈良國

監其軍高崇文討蜀劉正亮監其軍
見上
西頭之勢乃

重南衙樞密之權過於宰相

高元裕傳敬宗視朝不時
稍稍決事諫曰今西頭勢

乃重南衙樞密
之權過宰相

於是有宦官之變漢以都尉為太尉之

副唐以司馬為刺史之副故楊綰謂刺史自有持節諸

軍事以掌軍旅司馬右司武以副軍

楊綰傳時諸州悉
帶團練事綰奏刺

史自有持節諸軍事以掌軍旅司馬右司武所以副軍
即今副使司兵參軍團練判官名號重復可罷團練守

捉是都尉與州司馬同為州郡之貳而唐州司馬品秩

乃在長吏之下自不得同於刺史而都督府有行軍司

馬

百官志行軍司馬掌戎右

又但其屬耳白居易為江州司馬壁記

自稱郡佐然其言云自武德以來郡守之職總於諸侯

帥郡佐之職移於部從事然則豈復有漢都尉哉

白居易

州司馬壁記曰自武德以來庶官以便宜從事大攝小重攝輕郡守之職總於諸侯帥郡佐之職移於部從事

故自立五大都督府至於上中下郡司馬之事盡去惟負與俸在

牧鎮本有兵權而又

兼總其所隸州之兵權於是方鎮之禍藝祖立極制兵立武具有本末聖算瞭然毫髮無隱三百年間絕無

內外之警我太祖貽謀之善也收諸鎮之權而萃京師
舉京師之兵而屬殿岩內而宿衛外而禁廂百萬貔貅
皆在掌握三衙之權若重耳然兵之尺籍雖在三衙兵
之大權實在樞密故三帥有握兵之重而無發兵之權
樞密有發兵之權而無握兵之重彼此相制罔敢異志
內安得而不固乎

范祖禹言伏見樞密副都承旨曹誦
權馬軍司祖宗兵法本於樞密有發

兵之權而無握兵之重京師之兵總於三帥有握兵之
重而無發兵之權彼此相維不得專制此所以百三十
年無兵變也自唐季以及五代樞密之權偏重動為國
患由手握禁旅又得興發今副都承旨為樞密屬官權

任管軍是本兵之地又得握兵大郡有十數指揮中郡合而為一非祖宗制兵之意

五七指揮小郡三五指揮平時除戎器備城隍脩武備得以便宜從事郡守之權若重耳然軍儲給餉屬之運

司統制軍馬貳之郡倅上有轉運以警其志下有倅貳

以分其權上下相維罔有偏失外安得而不壯乎

蔡官志逐

州置軍招營兵大郡有十數指揮中郡有五七指揮下郡不下三五指揮每指揮率以四五百人為額其軍儲餉給悉在運司其統制軍馬乃隸守倅一方有寇盜不虞州郡有兵有財足以聚人率衆屏翰王室平時除戎器備城隍講武備皆有其資然又論之內之兵權互有也乃祖宗防州郡之深意

職掌此萬世不易之規故曹誦以樞屬權管軍范祖禹

力言之其守宗祖之法固矣

見前注

若外之兵權自熙

寧大臣削之過甚籍郡兵併軍額置將副專領至使軍情離貳役使不行一有警急束手無策後日之患君子

已預卜之蓋其權過分故也

蔡官典熙寧初安石言州郡持權太重分將籍州郡

兵通一路團結五千人為一將置將副專領其後軍情離貳守臣驅使不行是失兵權也靖康中詔守臣統兵入衛遇敵輒潰流為群夫州郡兵權不可不分亦不可

盜由守臣失權柄故也

過分不分則縱過分則弱昔國初董遵誨李漢超之徒

分守邊郡許令召募驍勇以為爪牙軍中諸事許從便

宜二十年間無西北之憂蓋郡守有兵權也

國朝實訓
借偽時未

下南北未賓太祖留心將帥命李漢超屯關南馬仁瑀
守瀛州韓令坤鎮常山賀惟忠守易州何繼筠鎮隸州
以拒北兵郭進控西山武守琪戍晉州李謙傳守隰州
以禦太原趙贊屯延州姚內斌守夔州以備西戎郡中
管權之利悉令與之許令召募驍勇以為爪牙
凡軍中事許從便宜由是二十年無西北之憂
尚論內
外制兵之權請以國初為龜鑑

兵糧

興師十萬日費千金千里餽糧士有饑色

孫武云

此廩兵

國家之急務也然亦起於秦漢之後歟蓋嘗論之成周
賦藏於民素有委積故不聞廩兵之說漢唐初年民自
為兵自給用度亦不聞廩兵之費至其後也或歛州郡
歸京師而後給於邊境之用或漕東南以聚關中而始
給於諸道之兵故轉輸勞民緩急乏用而廩兵始為深
患矣嗟夫田不井居兵與農異先王遺制不可復講有
如我國家藏於州郡而無聚歛之私儲於邊塞而無乏
用之急兵不言匱民不告勞豈非委積之意歟予觀成

周太平一書半論理財經國大用具在九式至於軍旅

獨無與焉

禮天官太宰以九式均節財用祭祀賓客喪祭羞服之事幣帛芻秣匪頒玩好始嘗

疑之及考於遺人之職則曰飲食曰委積所以待軍旅

者甚專

禮地官遺人凡師役掌其道路之委積凡國之道十里有廬廬有飲食二十里有宿宿有路室

路室有委五十里有市

異日倉積於幽

公劉詩

糧峙於

申

崧高詩

會蒐之備達於衛境

左定四年取於相土之東都以會王之東蒐

皆是物也以是知先王雖不明言以用武欲藏富於天

下而其周思熟慮以為緩急之備則自都達境要有所

屬矣又豈必盡計之於纖悉而無遺用歟迨及春秋此

意猶存是故齊師陳鄭申侯共糧

左傳四年屈完及諸侯盟陳轅濤塗謂鄭

申侯曰師出於陳鄭之間國必甚病若出於東方觀兵

於東夷循海而歸其可也申侯見齊侯曰師老矣若出

於東方而遇敵懼不可用也若出於陳鄭之

間共其資糧靡屨其可也齊侯說與之虎牢

晉軍楚地

三日館穀

經夏四月己巳晉侯齊師宋師秦師及楚人戰于城濮楚師敗績傳楚師敗績三日館穀

杜預注館舍也

食楚軍穀三日

是知諸侯之國在在皆有焉有所謂飛

芻輓粟者乎所謂賦藏於民不聞廩兵之說者此也自

秦人致瀕海之粟悉漕京師

伍被傳秦致瀕海之粟轉于南河

刮遠方

之藏皆儲教倉

鄴食其傳教倉天下轉輸久矣臣聞其下藏粟甚富楚人叛穀陽不堅守教倉

一粒一粟惟恐在民而先王里候委積之制掃地矣漢

自初年軍賦有二曰丁賦曰財賦丁賦則以丁年算賦

也

前高帝紀四年八月初為算賦如淳曰漢儀注民年十五以上至五十六出賦錢人百二十為一算為治

庫兵車馬財賦則富者以貲而算貧者以衣服釜鬲而算也

前景帝紀至於故吏嘗佩將軍都尉及二千石印者亦給軍

賦則又不特取之於民矣

惠帝紀故吏嘗佩將軍都尉將兵及佩二千石官印者惟

給軍賦他無所與

蓋漢兵出於民費用自給故淮南之民繇役

往來自補衣粧

賈誼上疏曰至今淮南地遠者或數千里越四諸侯而縣屬於漢其吏民繇役

往來長安道者自悉補中道衣錢用諸侯給也前漢吳楚之兵列侯從軍自貸子

錢

貨殖傳吳楚之兵起長安中列侯封君行從軍賣貸子家錢

而其取於民者殆不

過為庫兵車馬之資而已

見上

此其所以無坐食之責

唐自盛時天下戶口八百餘萬而府丁四十萬皆自食

其力不賦於民凡民之租調以奉上者二十分之十九

其一為兵故縣官歲受八百萬之賦

並孫然云

蓋唐兵出於

民自耕自戰三時務農一時講武而士無關食籍藏將

府伍散田畝而兵無坐蠹

並兵志

此所以不聞饋糧之

擾所謂兵出於民不見廩兵之費者此也夫何漢自武

宣唐自肅代之後用兵連年轉輸不繼推原其故夫豈

無自蓋漢以郡國之所積盡輸大農而邊郡諸官之所

請必皆報而後給

漢百官志大司農卿一人本注曰掌諸錢穀金帛諸貨幣郡國四時上月

旦見錢穀簿其通未畢各具別之邊郡諸官請調度者皆為報發損益多寡取相給之

故不復預

藏於邊郡爾唐自通濟漕渠而甸農或至于接穗而關

中不足給

食貨志

自河北諸鎮皆強租賦不領於度支而

河內不足恃

東萊文

故僅以江淮為給爾夫粟不藏於邊

郡而藏于京師不輸於諸道而輸於一隅則倉卒何所

備緩急何所仰哉異時漢以西南夷之後負擔餽餉率

十餘鍾致一石

食貨志唐蒙司馬相如始開西南夷鑿山通道千餘里以靡巴蜀之民罷焉又

通西南夷道作者數千萬負擔餽餉率十餘鍾致一石

而戰士無祿

同上武帝司農陳藏錢經

用賦後既竭不足以奉戰士有司請令民得買爵贖罪

塞卒乏糧

霍去病傳其在塞外卒乏糧或

不能自振

古人有之乎否也唐以江淮之米不通六軍之士

脫巾於道韓滉運米適至君臣之間置酒相慶

食貨志德宗時

古人有之乎否也所謂由京師而給遼用漕東南以給

諸道而廩兵始為大患者此也國初宿兵京師則浚三

河以通漕輸

張方平言

行師敵國則置轉運以給糧餉

正要增釋

國初始除轉運使止因軍興專主糧餉至班師即停罷如太祖初平澤潞則命戶部侍郎高防兵部侍郎邊光範充北路轉運使用師湖南則命刑部判官滕旦充湖南給事中沈義倫充京西水陸轉運使是也太宗時如劉保勲為河東城西轉運使樂中為太原然亦不專仰管內水陸轉運使王在田為陸路轉運使

於漕運也何者封樞內庫之儲以備軍須

編年太祖嘗顧左右曰軍

興須預為之備若臨事率飲非善計也國初天下貢賦盡入左藏庫乾德初府庫充羨

簞食壺漿

之迎以給王師則宿兵行師之用非所慮爾自時厥後景德澶淵之後事起倉卒寶元西師之興歷四五年皆不聞調度之患蓋三司主之於內轉運職之於外此內

復有內帑之儲今年出真珠以助糴邊儲

寶元二年出內庫真珠估

緡錢三十萬賜三司上諭曰此無用之物不若散之民間收其直助糴邊儲亦可以少紓民之歛也通鑑明年出綵帛以備軍賞

同上皇祐二年出內庫絹五十萬下河北陝西河東路以備軍賞

公私通融軍民俱利然而又不惟是轉運雖隸於三司而總一道之稅賦榷酤茶鹽坑冶之利則得以擅其衷

多益寡之權或有軍興則轉運給之郡守雖統于轉運而合一州地利坊場河渡支酬不盡之贏則得以聚人率衆屏翰王室保固郡境平時除戎器治城防脩武備則郡守皆可為之豈非藏於州郡而無聚歛之私乎

蔡官

志自變法以來三司之權散於內轉運郡守之權輕於外一有警急束手無策後日之患君子已預卜之蓋自中興以來駐蹕吳會控扼之地上下數千里列屯相望費用不貲其治糧餉職之主將主將不自給也

湖北總領壁記

主將取之漕司漕司各於供億也然後請之於朝總領

之官出焉

張俊上言

然未以名官也自收諸帥之兵目為御

前分屯要害而後總領之官置焉

紹興十一年取諸州之兵以為御前屯駐

諸處皆置總領以朝臣為之鎮江諸軍錢糧淮東總領掌之建康池州諸軍錢糧淮西總領掌之江州荆南江

南諸軍錢糧湖廣總領掌之興元州金州諸軍錢糧四川總領掌之中興會要鎮江諸軍錢糧

淮東總領掌之金陵池州諸軍錢糧淮西總領掌之武

昌荆南江南諸軍錢糧湖廣總領掌之興元州金州諸

軍錢糧四川總領掌之

同上

四總之官既立上可以備

邊境不虞之用下可以省老弱轉運之勞通融出入裁制盈虛其於軍用甚便豈非儲於邊塞而無乏用之急乎大抵國家用度多縻於兵西蜀湖廣江淮之賦類歸總司所供京師者惟仰閩浙而已見上近年以來不無滲漏之弊固未能盡知而曉然易見者試舉一二言之且沿江列屯有於臨事之始輒發緡錢十餘萬以為例名曰犒賞此弊於泛用一也江淮養兵有以規利者借供兵為名以錢商販凡累鉅萬號曰營運此弊於失隘

二也解發之日例送北司諸帥私饋報以公帑此弊於私予三也議者請革其弊欲合總司之權而制之版曹然道里踰隔或慮乏興天下事勢又有所難合者然則為今之計莫若使戶部部長有以稽考之也蓋今之任總司之職者每以大農少卿與夫金倉部郎官為之雖直司於外郡而係銜則必以中都官蓋以名曰出使而實非任外之職夫果其非外職則雖外猶內也以金倉部而下又皆戶部之屬則以長而察其屬其權甚尊其

勢甚順何患乎積弊之難攷不然不度緩急不審輕重而欲俾戶部部長而制總司之利則漢唐轉輸廩兵之弊可鑒也

車戰

出車彭彭旂旐央央此周人北伐之詩也方叔蒞止其車三千此周人南征之詩也夫用兵亦多術矣一則曰車二則曰車果何說耶盖用兵之道惟車有節至則歛兵附車以拒之退則乘勝出兵以擊之出則藉此為所

歸之地入則以此為所居之宅誠良技也誠周人之所
急也雖然亦嘗邈其所自來矣蓋古者作車以行陸未
始用之於戰自夏啓誓御以正而勝有扈湯以龍旂十
乘以克有夏至于成周其法大備臨衝閑閑伐崇之舉
也戎車三百牧野之戰也周宣之南征北伐皆用是制
然先王之車戰不求大勝求為不可敗而已春秋諸侯
節制不謹遂利於草莽之間始為徼利之兵自鄭莊公
始多用徒兵自中行穆子始毀車以崇卒自右師展始

乘馬自趙武靈王始用胡騎先王車制由是幾廢然春

秋去古未遠其法未盡掃地倣其遺蹟者亦往往以之

取勝戎車孔博遂克淮夷非魯僖乎

泮水詩戎車孔博徒御無數既克淮

夷孔淑不逆

矜其車甲西戎就討非秦襄乎

小戎詩備其兵甲以討西戎西

戎方強而征伐不休國人則矜其車甲婦人能閱其君子焉

大蒐于紅革車千乘

左昭

八年大蒐于紅自根牟至于高衛革車千乘

治兵于邾甲車數千乘

昭十三年治兵

于邾南甲車四千乘遂合諸侯于平丘

楚子之游闕且四十乘

宣十一年使潘黨率

游車四十乘

宋華元之甲車猶不下四百六十乘

宋華元甲車六百六

十齊之會諸侯有兵車有乘車

前郊祀志桓公曰寡人兵車之會三乘車之會

五鄭之賂諸侯有廣車有軹車

左襄十一年鄭人賂晉侯廣車軹車淳十五乘

甲兵此車制至春秋猶有存者秦漢而下亦間有之夏

侯嬰以兵車而破李由

本紀

公孫賀以輕車而出雲中

本傳馬燧以戰車而威北方

唐馬燧傳為戰車冒以狻象列戰于後云云威振

北衛青之擊匈奴也以武剛車

本傳青擊胡單于以精騎當之青以武剛車自

環為營縱兵出擊單于遁去

魏田豫之平代郡也以負陣車

魏田豫征代郡

壯虜以騎擊之豫以車為負陣弓弩持滿於內胡不得進遂舍而去

扁箱車用之足以擒

頡利

長編神宗朝取兩河民車以為戰備沈括曰云云李靖於扁箱車以擒頡利

大車用之

足以解虜敵

李陵傳陵之入胡卒與虜遇陵以大車兩為營引士於內千弩俱發虜解去云云

翼以進方軌徐行宋武以是削平僭亂

本紀

總名扁箱

別為鹿角馬陵以是破羗戎

本傳

此皆用車之利也然

有制敵之長技有制敵之奇謀長技手足也強弱之形

係焉奇謀心術也成敗之機係焉是故草淺地堅可馳

可突

志書唐太宗李靖問對云云

而江湖沮則不可也

高宗紹興三年上曰

近有獻車戰者朕謂在人不在車既江湖沮之地雖有車騎亦何用

平原曠野可進可

退前晁錯傳而川徑險阻則不可也同上彼徒我車鄭人有

侵軼之慮此審勢之隘也左隱九年彼徒我車懼其侵軼我也毀車為行

晉人有敗狄之功此察機之阨也昭元年晉中行穆子敗羣狄于太原魏舒

曰彼徒我車所遇又阨以什共車必克請皆卒自我始乃毀車以為行敵人笑之未陣而薄之大敗之若

夫車不得方軌之言不見用於成安君而泚水之戰隨

敗前韓信傳趙成安君聚兵井陘李左車說曰井陘之道車不得方軌騎不得成列願假奇兵三萬人絕其

後成安君儒者不用詐謀奇計信遂斬成安君泚水上車戰雜以馬牛一用於房

琯而斜濤之兵莫支房琯此又不審地利之失然則用

以長技濟以奇謀始為善兵矣國初用於西北制敵取

勝車戰為利澶淵之戰李德隆以大車環壘步騎處中

戎馬因是而遁去

景德初契丹入寇大將李德隆以澶淵不足守命士卒掘壕塹以大車數

千乘重壘環之步騎處中戎馬數萬來攻其營禦之遁去陽城之勝符彥卿以拒馬

為行寨虜騎因是而莫禦

咸平四年吳叔請復古車戰之法曰衛青李陵田豫馬隆

皆以車而勝近符彥卿破虜陽城亦拒馬為行寨夫匈奴所長者騎兵也苟非連兵以制之則何以禦其奔突哉故用車戰為便其制取當用者接其衝軓駕以牛車上致槍以刃外向間列士卒於車外賊至射之乃出騎兵擊之此制虜要術也戰之用車一陣之甲鎧也故可以行止為營陣賊至則飲兵附車以拒之賊退則乘勝

出兵以擊之出則藉此為所歸之地入則以此為所居之宅故人心有依不懼胡騎之陵突也

行載兵

甲止為營陣郭固之式馬燧之舊制也

至和二年韓琦言郭固就民車

約古制為之臨陣禦敵緩急易集其車前銳後方上置七槍為前後二拒此馬燧戰車行載兵甲止為營陣也又以民車之藉增為重箱高四尺四寸用革鞅之吳起所謂革車掩戶挽輪籠轂是也琦以為可用于平川之地臨陣人拆奔街下營以為寨脚今令固自賣車式進呈試之以固為衛尉寺丞

駕以牛車上

置槍刃吳叔之法衛青之故智也

見上

此固國朝用車

之明驗也然亦不輕用也若山徑之蹊可用小車而不

用大車其察形熟矣

范仲淹上仁宗議政云延安之西廣川之東有賊界百餘里侵入漢

地唐馬燧造戰車行載甲兵止為營陣此路山坡大軍難進當用小車二十輛銀絹錢二十萬賞有功將吏

干戈之際宜用兵車而不藉民車而度用審矣

北兵將入詔遣

中責人取兩河民車為備民大驚擾一日沈括立御座側神宗曰卿知藉車之事乎括曰車戰之利見於歷世臣但未知一事古人所謂輕車者兵車也今之民車重大以牛執之日不能行三十里少蒙雨雪則跬步不進故俗謂之太平車恐民間不可用耳神宗喜曰無人如此語朕遂罷藉民車今由南而北直

趨中原欲禦衝突之勢誠不可無車也然有米守信之

智而後可極寨腳車之利

米守信知禮州遣李錫持新樣流星弩拒馬牌寨腳車山

字甲八有韓魏公之謀而後能察箱車之用

至和二年初韓琦言

郭固嘗造車陣法以民之箱增為重箱高四尺四寸前後二尺高與箱等用革輓之云云用車勝敵其別有八六韜言之詳矣宜踵其軌轍云

舟師

江漢湯湯武夫洸洸此水戰之始也嗟夫波濤洶湧敵人興嘆出沒如神望者膽落自古國於東南者皆恃此以收制敵之功然鼓棹而一進退之勢逐流而爭上下之利非熟於舟師者不能也自周以後吳楚之爭衡漢唐之平難三國六朝之戰爭未有不用乎此朱買臣治

樓船而破東越

武帝時東越數反覆朱買臣因言發兵浮海直指泉南陳舟列兵席卷南行可

破滅也上拜買臣會稽太守詔買臣到郡治樓船備糧食水戰具歲餘買臣受詔破東越

楊僕發水

軍而平南越

元鼎五年南越反遣伏波將軍路德傳出桂陽下湟水樓船將軍楊僕出豫章下滇

水歸義越侯嚴為戈船將軍出零陵下漢舟師之效也漓水卑為下瀨將軍出蒼梧咸會番禺

孝恭大治舟艦水陸並進遂平江陵

唐河澗王孝恭傳乃大治戰艦隸水

戰圖下江陵俄遊荆湘道總管統水陸十三軍破越

曹成王選步艦二萬人卒平

希烈

韓文曹成王廟碑王姓李氏諱臯字子蘭李希烈反授節帥江西聚兵大選江州能者教之步艦二

萬人卒

唐舟師之效也然漢不志兵制莫得聞唐以志

兵水戰復闕愚嘗推原其由蓋漢唐之都遠在關中固非舟師履歷之地雖或取勝亦間有之非若東南常用之技此史氏所以畧之也然漢以北方之將而能用東南之技唐以中原之人而能收功於窮陬者亦平時之素閱爾蓋漢昆明有池所以為習戰之所而唐人亦踵其故事以訓兵焉所以得志於水戰也噫以西北而用舟師非其所恃也而猶能成其功以東南而用舟師乃其所長也其可不加之意乎然用舟師之謀有二襲之

以伏則必敗窒之以堅則必敗故善用兵者於二者之間而深究其利害耳試以東南所用之事而觀之長岸之戰吳雖敗衄猶有後圖楚惟恃上流之險詫餘皇之獲狙於小勝以弱視吳故長鬣之伏一呼而已得之舟復失

左昭十七年

江上之戰吳雖首兵畧不為備越惟銜枚

以分屯鳴鼓以駭敵因其不誠夜以乘之故中軍之襲

繼進而江北之師悉奔

吳語

楚以遇伏而虧軍實越亦

用伏而成駿功不然吳見舟以惑楚而求勝於潛師二

年非此術歟故曰師有潛伏則其謀在察微方曹公順

流而東也船艦彌望首尾相接扞敵非不固也而周公

瑾以蒙衝一進而船艦空於烈焰

三國志言劉豫州為曹公所破欲引兵渡

江與魯肅遇於當陽遂合兵因進注夏口遣諸葛亮詣權權瑜及程普等與俱併力逆曹公于赤壁曹公軍引

次江北瑜等在南岸瑜部將黃蓋曰今寇衆我寡難與持久然觀操軍相連船艦相接可燒而去也遂同時發

大操軍大敗

方吳人之禦晉師也江碛要害鐵鎖橫截禦敵

非不堅也而王濬炬筏一施而鐵鎖截於長江

通鑑晉伐吳太

康元年杜預向江陵王濬唐彬擊破丹陽監盛紀吳人於江碛要害之處並以鐵鎖橫截之又作鐵錐長丈餘

暗置江中以逆拒舟艦潘作巨筏數十長百餘步縛草
為人被甲持杖令善水者以筏先行遇鐵錐輒著筏而
去又作大炬在船前遇鎖炬燃之須臾融液斷絕於是
船無所礙潘克西陵吳孫皓曰北來諸軍乃飛渡江也
不然董襲汧口之後突入斷絕而破之

三國志
董襲傳

非此術歟

故曰勢有窒礙則其謀在攻堅愚謂有必勝之將無必
勝之兵有可恃之謀無可恃之技此用兵者不可不審
也國朝舟師之技未嘗不講而舟師之技未嘗輕用何
者用於西北非其所長也非其所長而冒用之終非可
恃之具爾越逸川澤習性已久遂立平河之軍

江浙發
運使楊

名蔡捕海寇四十九人送闕下上悉貸之顧左右曰此等越遠川澤習性已久可團為水軍以備舟楫之役以平河

為名

江淮士卒素習於水遂立水虎翼之軍

祥符六年詔諸道選

江淮習水卒於金明池按試戰立為水虎翼軍初太祖立神衛水軍及江淮平定不復振舉上復置焉其

選之精矣興國幸金明池以試戈棹之利

太宗太平興國九年上幸

金明池觀習水戰曰戈棹之戰南方所利今萬方平定無所施用習之示不忘戰

祥符又詔金

明池以試習水之卒

見上

其閱之勤矣然伐蜀之舉捨

舟而用步騎卒以勝蜀

太祖征西川命劉光義出夔州路伐蜀上出夔峽地圖示光義

曰夔州有鎮江至此我軍泝流而上謹勿以舟爭勝當先以步騎陸行出其不意擊之俟其少却以戰艦夾攻

之光義等至夔
卒如上所計
采石之後捨舟而立檣木卒以擒全贇

開寶七年閏十月太祖使郝守濬造黃黑龍船於采石
磯跨江為浮梁先試於石碑口十一月移浮梁於采石
繫纜三日而成不差尺寸王師過之如履平地吳將全
贇領衆十萬將焚浮梁戰權正明入奏請造戰艦三百
艘上曰全贇朝夕至若俟艦成固不及矣不若於洲浦
間多立檣木全贇疑我師襲其後必不敢進明如詔旨
果擒全贇豈非自用所長而不陷其所短耶

馬政

馬政之說古今凡幾變以官民通牧者周也牧於民而
用於官者漢也牧於官而給於民者唐也至於國朝始

則牧之在官後則蓄之於民又其後則市之於戎狄其得失利病有不難攷者成周以民牧者如丘甸歲取馬

四匹之類

前刑法志四邑為丘四丘為甸有戎馬一匹

平時則官給芻秣有

警則民供調發然而在天子之都諸侯之國士大夫之家未嘗不自蓄焉此蓋在官養之爾何以知之如周禮以天子有十二閑先儒論數謂不過三千餘匹衛文公承夷狄所滅之後新造之國末年亦至駟牝三千

定之方中

詩若以制度論之衛以諸侯之國又當殘亂之餘其他

固未及論安得遽如成周全盛乘馬之數蓋所謂天子
有十二閑是養之於官者衛文公謂駉牝三千舉官民
通數而言之此成周官民通牧之制也阡陌開井田廢
兵車不復取田賦戎馬各從官給於是馬政日廢而外
患生矣漢初稍復古制勸民養馬有一匹者復卒三人
蓋居閒則免三人之算有事則當三人之卒此內郡之
制也前食貨志今令民有車騎馬一匹者復卒三人車
騎者天下武備也故為復卒注當為卒者免其三
人不為卒者復其錢耳至於邊塞則縱民蓄牧而官不禁烏氏居

塞則致馬數千羣橋桃居塞則致馬千匹

貨殖傳

于時

內郡之盛則衆庶有馬阡陌成群

食貨志武帝初

邊郡之盛則

三十六苑分置西北

前百官表牧師諸苑三十六所養馬二十萬又漢儀注曰太僕牧師

諸苑三十六所分布四邊北邊以為朗苑馬三十萬自武帝征伐馬大耗之行一

切之令自封君而下以次出馬則內郡庶民有馬者欲

望復卒難矣令民得蓄邊者縣官假民馬每三歲歸其

息什二則邊郡之欲廣蓄牧者難矣

食貨志諸北地太守以下而令民得

蓄邊縣官假馬母三歲市歸息什一以除告緡用充入新秦中車騎馬乏縣官錢不買馬難得乃著令令封君

以下至三百石吏以上差出壯故內郡不足則藉民馬

上天下高之在蓄字馬歲課息

以補車騎武帝紀太初二年二月藉吏民馬補車騎馬

邊郡不足則發驢臺

馳負食出玉關輪臺之悔始修馬令吁亦已晚矣

出西域傳

又渠黎國傳輪臺詔曰當今務本力農修馬政以補缺毋乏武備而已郡國二千石各上進蓄馬方畧云云

此漢牧於民而用於官之制也唐府兵之制當給馬者官與其直市之每匹錢二萬五千刺史折衝果毅歲周不任戰者鬻之以其錢更市不足則府供之此給錢以市也至府兵漸壞兵貧難致乃給以監牧之馬此給馬

以用也大抵唐之馬政皆編於官民無與焉

唐兵志自高宗武后

府兵之法更號曰彊時詔諸州府馬缺乏官私共補之今兵貧難致乃給以監牧馬餘見兵志始唐接

周隋亂離之後承天下征伐之弊鳩括殘驢僅得牝牡

三千匹於赤岸澤徙之隴右始命太僕張萬歲葺其政

馬肇自貞觀訖于麟德四十年間馬至七十萬餘匹于

時天下以一繭易一馬秦漢之盛未始聞也垂拱以後

馬耗大半開元始命王毛仲為內外閑廐使牧養有法

雲錦成羣復與麟德馬數相等耳此唐牧於官而給於

民之制也

兵志唐初得突厥馬二千匹又得隋馬三千匹於赤岸澤徙之隴右命太僕張萬歲主之

善於其職自貞觀至麟德蓄息及七十萬六千匹分為八坊四十八監各置所以領之是時天下以一繮易一

馬垂拱後馬耗大半元宗初年牧馬有二十四萬匹以王毛仲為內外閑廐使至開元十三年有馬四十萬匹

上之東封以牧色從色別為羣望之如雲錦唐制天子十二閑為三廐曰鳳苑其後又增飛龍廐凡馬五千為

上廐三千為中廐餘下廐國朝馬政蓄於監牧者曰官馬散於編戶

者曰戶馬市於邊郡者曰戎馬然與其蓄之於民孰若

市之於戎與其市之於戎孰若養之於官何者民間蓄

養指為外廐非不可也

王旦對仁宗曰聽民間蓄養官中緩急以本直市之猶外廐耳

馬知節曰馬多不精多蓄
驚弱其費愈甚上然之

然馬為不精多蓄驚弱況民

至受其害乎

見上

沿邊等郡估買蕃馬非不可也

余靖言國

家自來於河東陝西沿邊守處估買蕃
馬自西賊不庭買馬數少不足國用

然市費益增收

數不加況戎反享其利乎

端拱中李覺上言曰議者以為欲國之多馬在啗戎以利

使重譯而至然市馬之費歲增而廐
牧之數不加蓋失其生利之理也

此國朝所以重於

監牧也騏驥有院天驄有監天廐有坊

國初有左右飛龍院太宗興國

五年改為天廐院雍熙四年改為左右騏驥院左右天
驄監左右天廐坊皆隸屬馬雍熙中太宗嘗幸天驄監

閱既置群牧司又置牧使此在內監牧之制

咸平二年置群牧司

景德四年以樞密陳自河北至許州已有十八監長編

北至許州軍鎮凡有一十八兩河陝西有都總管處復

置一監

治平四年群牧司言乞於河北河東陝西有都總管處皆置一監令陝西監牧司以所市馬選

則上京年額外餘分撥諸監太原交城又復置馬監唐介

原請於交城縣置馬監詔准占符相視逆得汾川故牧地三千餘頃其千二百餘頃民佃租以給芻豆既

委羣牧司又委守倅兼領

天聖四年祖宗舊制以羣牧司總天下馬其屬有左右驤

驥院分領左右天驕監左右天廐坊諸廐之在外者知州通判兼領之各據芻地并課士卒春夏出牧秋冬入

廐此在外監牧之制故陳堯叟作羣牧議勒石于監信

知監牧為便且急也

陳亮史議羣牧之設國家巨防作羣牧議以獻勒石大名監遂命亮

雙為群牧使

熙寧大臣何人哉誤聽曾孝寬之說而棄文潞

公之議舉祖宗七八十年營成之制一旦盡壞

熙寧七年曾孝

寬言慶厯嘗詔河北諸州每戶養破甲馬一匹乞檢會施行戶馬始此文彥博上神宗言賦牧地與農民飲其租課獻國馬於編戶責其孳息不知所賦之地皆可耕乎戶散一馬繫之維之皆可蕃息乎坊廡監庫柵穿井泉官廨營房七八十年經賦農民以牧地散國馬於營成就廢罷之後蕩然一空

編戶每一都限馬五十匹十五年而足謂之保馬而郡縣苟附不一二年而足之天下騷然不勝其擾至煩天

子有安石相誤之嘆噫其忍負之乎

彦博言不用元豐時其弊乃見神宗

嘆曰朕有愧於文彦博王珪曰罷祖宗馬監自是王安石上曰安石相誤豈獨此一事云云夫養馬

於民在成周末嘗不行在祖宗未嘗不用聽民蓄養市

以本直祥符制也

祥符四年上馬及十萬當且止也王旦曰聽民間蓄養官中緩急以本直

市詔能蓄馬與免二丁嘉祐令也

嘉祐中令河東京東京西淮南籍丁壯為

兵處有能蓄一戰馬者與免二丁仍不併戶等以備緩急丁度上言如是民何憚而不牧

之夫何熙寧大臣急於爭利一槩取民民始不堪爾迨

至民病已極國用復闕於是求之戎狄而設茶馬之職

馬市馬於戎雖不求牧之於官亦猶愈牧之於民此尚有可言也愚嘗攷之國朝市馬戎馬之制始易以銅錢

戎因獲其器次易以銀綃戎復獲其用

國初河東川陝諸路買馬給以

銅錢而戎人皆鑄錢為器興國五年乃以布帛準其直又元豐四年郭茂詢言欲專以茶博馬以采帛博糧穀及以茶馬併為一司竊聞昔時亦用茶繼金帛近歲始專用銀綃及錢鈔等況賣馬買馬事實相湏乞買馬通管茶場今以摘山之利而易充廐之良戎人得茶不能從之

以為我害中國得馬足以為我利亦濟用之良策初命

李杞川蜀市茶蒲宗閔秦鳳易馬始蓋分任其事

成都府志

寧七年詔李杞蒲宗閔經畫川茶充秦鳳熙河路博馬
祀於秦州宗閔於成都置司後改名都大提舉茶馬事

至郭茂詢言茶司立法以害馬政後遂專任其事

元豐中郭

茂詢言茶司既不兼買馬遂立是職既設茶課百萬獲
法以害馬政乞併為一司從之

馬萬匹其效亦可見爾

舊蜀茶額三十萬至李稷加為五十萬陸師閔代稷為百萬紹

聖中程之郡以羨茶轉入熙秦市不然元祐變法更革
戰騎故馬多而茶息厚馬至萬匹

殆盡獨茶馬不廢者亦有謂矣

司馬光元祐初相罷諸路鹽錢法後復其舊獨

川陝茶以邊用未即罷遣使相視去其甚者

今日雖仍熙寧茶馬之事而亦

當行祖宗監牧之制圉師以蓄之校人以視之秣飼以

時部轄有方則以渥洼之種耳否則貴市於外夷而賤

棄於中國此李公覺之所以慮也

端拱元年李覺言市易之馬至於中國繁

之維之飼以枯槁離折牝牡制其生性因而減耗是貴市於外夷而賤棄於中國也

國用

成周以冢宰制國用漢初以相國任會計故利權有所總至漢以財用分掌於大農少府水衡閹宦唐以財用分掌於諸使郎官故利權無所總至國朝始以三司主之後以戶部專之此古今財用虛盈之故也且以周之

外府而論王后世子衣服之用則共之祭祀賓客會同軍旅又共之賞賜給勞之用邦布者又復共之職若繁矣而不知以九賦九貢之貨賄而授之外府者太宰也

外府掌邦國之出入以共百物以待邦之大用共王及后世子之衣服之用凡祭祀賓客喪紀會同軍旅共其財用之幣齋賜予之財以王府而論王之金玉則藏之用凡邦之小用皆受焉

王之玩好則藏之凡有精美貨賄則莫不藏之任若專矣而不知以貨賄收藏總而歸之者亦太宰也夫財之所出太宰既總之財之所入太宰復總之以至大而太

府次而泉府又次而司會皆冢宰得會之節之則利權

安得不一乎

並周禮本官王府掌王之金玉玩好兵器凡良貨賄之藏餘見太宰官

漢制

以執盾褫為內史軍正咸延為少府

漢官表下漢初元年內史執盾褫少

府軍正咸延

而當時給軍食納獻費正名數治宮室等事皆

未嘗關與於其人所謂給餉修治與夫會計之任者皆

歸之相國

蕭何為相國關中給餉餽又治未央宮室又有計相在相府為會計

則雖內史

少府有公藏私藏之分而亦未始有所別異

漢制內史掌諸錢穀

金帛諸貨幣少府掌山嘗觀漢表自文帝即位以後未

海江澤之利以給供養

嘗除內史非掌財之無人蓋漢初會計事專在相府是時張蒼為御史大夫則所為會計者特此耳蒼蓋舊秦主計者而漢初嘗在蕭相國府領計矣自蒼為御史大夫至相凡十五年不易則文帝之世所以無領財之任者其謂之此歟則利權安得而不專乎

按漢表文帝時郎無內史官又

按陳平對文帝云錢穀問內史蓋平勃比皆失對妄指是為言耳直至景帝世始改內史為大農令繼年而惠實為之高帝世則執盾襄為內史景帝田郎惠實為大農文帝未嘗除人也又張蒼傳蒼受計相居相府領郡計
國不然而周世圖法流通泉布充足而人主無侈用之

心漢初餉饋不乏陳腐相因而國家有富庶之效者是孰使之然哉夫漢郡國上計相府領之此良法也自平勃失對之後漢之大臣類以出納為有司之任往往不屑為之司農少府之掌始分而二上林水衡之置又裂而三供養勞賜出少府供帳牲事屬水衡而軍國大計歸司農財皆異掌費皆異供

前漢表內史至景帝更為大農武帝更名大司農掌

穀貨又毋將隆傳奏言武庫兵器天下公用國家武備繕治造作皆度大司農又前官表少府秦官掌山澤之稅以給其養又表水衡都尉武帝初置掌

上林苑又龔遂傳供帳諸館為宗廟取牲不量多少費

用無度西羗一役此大農事也乃以少府禁錢續之

賈捐

之傳往者以羗軍言之暴師曾未一年兵出不踰千里費四十餘萬若大司農錢盡乃以少府禁錢續之降

胡數萬亦大農事也一旦不給則御府禁錢亦始補贍

武帝元光年

修治第宅非水衡事也亦間出水衡錢以為縣

官工作之支

宣帝本始三年

雖曰移用補助以權事宜而調度

紛紛越官躡事使一代財制幾乎無攷則皆利權散主

之失此猶未足見其甚也異時光武併禁錢掌之大農

後百官志承秦凡山澤陂池之私將以絕一己之私制
名曰禁錢屬少府世祖改屬司農

非不善而不知適以啓閹人之弊

章帝章和元年宮中別立一監專用閹人

領之其属有尚方考工諸曹

反使子孫歎無私財而開鴻都賣爵後

園自為己藏矣至是財計之任安在哉

靈帝光和元年初開西邸賣官

聚財以爲私藏

唐以度支郎掌歲計所出而支調之與中書門

下議定乃奏此亦唐人良法也

百官志度支郎中負外郎各二人掌天下租賦

物產豐約之宜水路道塗之利歲計所出而支調之以近及遠與中書門下議定乃奏

自呂諲領

度支之使係以使名親行其事於是裴度以宰相不可

領度支韋宏質亦言宰相不可兼錢穀於是相臣不與

均節之任

呂誼傳肅宗乾元二年擢誼同中書門下平章事三月知門下省兼判度支唐宰相兼度

支自誼始又裴度傳未幾判度支文宗加門下侍郎陳調兵食非宰相事諸罷度支歸有司奏可又李德裕傳時韋宏質建言宰相不可兼治錢穀德裕奏言云云宏質賊臣豈得以非所宜言妄觸天聽是輕宰相夫

財用之計本闕宰相使戶部治其繁而已總其要亦周

人冢宰會財之意今必係以使名而下行其事或者得

以煩碎瑣屑而議罷之矣未幾使名既罷分委諸郎

吳武

陵傳諫曰云云蓋鐵度支一戶部郎事今三分其務至萬貲皆御史貲外郎為之始命若實可信今又加使權其務是御史貲外郎久於事反不可信或云權判德宗也今更旬月又將以郎中之為不可信

贊請以前湖南觀察使權判度支從之

或云專判

楊國忠傳元宗召見入供奉主簿計等均分錄

不誤帝曰度支郎才天寶七年專判度支

故吳武陵言鹽鐵度支一戶部郎

耳今分其務至萬負

見上注

則戶部之職至是盡廢此

猶未足見其變也接于五代後唐遂以戶部度支鹽鐵

為三司使加鹽鐵於戶部度支之上至是財計之任又

變矣

見上注

然則以三司之使而寓以周人冢宰之任

者豈非國朝歟夫夏官之會案秋官之磨勘冬官之修

造河渠自唐及五代以來而地官皆所不與我朝悉屬

三司故造作軍器屬之會案土木之後屬之修造河防
之後屬之河渠國家財用之出無大於此三者而今皆
得總焉稽考帳籍均節費用歛散及時縱舍由己而不
為他司之所制此財之出者三司皆得兼制矣非成周
太宰以貨賄授外府之意乎

蔡官制唐地官設度支金部倉部戶部唐末省官分

置吏五代專以鹽鐵為理財之要分在三省之首今之
金部也度支主用度戶部主版籍故次之具三司磨勘
在比部衙司乃今刑部皆隸秋官會案乃今庫部屬夏
官修造乃今工部河渠乃今水部隸之冬官地官不得
統焉皇朝盡付三司者可見立功以實不以文也開拆
司兼管綱運衙司考所掌之財勘磨財計檢察過由悉

歸磨勘司造作軍器則會案主行土木之工隸修造河防之後則河渠行之國家之費無出三事為盡耗之大者必命三司使總之外之諸路漕運內之私帑儲蓄自唐至五代以來而地官未必盡與我朝盡歸三司故轉運使副判官督集財賦之權三司統之內庭分貯錢帛之私三司亦總之國家財用之入無要於此二者而今皆得總焉公私通融內外統一利權所屬固有渙散而不為他司之所分此財之所入三司皆得兼主矣非成周太宰總玉府之意乎

南豐文戶部之於中堂為周官司徒之職掌財賦之調度金穀之出入以待邦國之

用歷唐五代征歛煩興而吏名雜出地官之職蓋存虛號而已又蔡官制宋朝轉運使副判官督集財賦悉隸三司凡經費羨餘獻之三司積于左藏庫及自熙寧變分貯內藏庫者皆三司總之立勸阻之法

法之後使者出於相臣之門皆務聚歛而三司不得制旁通簿置於人主之前盡籍國帑之數而三司不敢與外則常平免役坊場河渡地利之資皆號朝廷封樁內則常課上供之數皆別創庫藏貯而三司皆不相關故漕司之趣辦而不隸三司之勸沮內庭之積貯而不關外司之參攷財之所入者安得而有驗耶

蔡官制自熙寧遣使出于

相臣之門皆務聚飲以悅廟堂非若三司使有此權以動漕臣亦不敢橫飲也云云安石乃置旁通簿于御前盡籍國帑之數在神宗恭儉君國帑藏率皆富溢崇寧後蔡京盡國奢廣百端皆不先關戶部非若三司有專案以關防也同上王安石為相與三司分權凡賦稅常貢徵權之利方歸三司摘山煮海坑冶榷貨戶絕沒納之財悉歸朝廷與常平免役坊場河渡禁軍關額地利之資皆號朝廷封樁又有歲課上供數盡入京師別創庫以貯之自元豐改官制之後三司之會案為軍器監三司不與而繕治械杖之費戶部不得聞三司之修造案為將作監而百工興作之用戶部不得攷三司之磨勘歸於比部並隸刑曹鈞考戶部皆不得知故他司以辦事為效

而不恤財之有無戶部以給財為功不論事之當否財

之所出者安得而有攷耶

南憲紀談嘉祐中大水取三司河渠案置都水監元豐官

制以三司會案之事歸之軍器修造案之事歸之將作三監皆隸工部於是戶部所掌版籍財用二事而已元

祐中蘓子由為戶部侍郎請都水將作軍器三監皆隸戶部凡三監有所為戶部定其事之當否裁其費之多

寡而工部任其工之良若程其作之遲速朝廷從之按唐度支使杜佑奏營繕歸之將作木炭歸之司農染練

歸之少府計司兼領他職自唐已然不得云出于祖宗之意凡子由所請者皆佑之釐正也豈時移勢異固不

同雖然愚以三司戶部而叅攷之今之戶部尚書即昔

之三司使也左右曹之侍郎即昔之副使也戶部之諸

曹郎即昔之三司判官也有能推而行之則亦祖宗之法爾國初猶能仍五代之陋制而寓周冢宰之意今獨不能沿唐之美名而求祖宗三司之實乎且官制未改之前副使判官多自諸轉運而遷入則為兩制出則為都漕久其任則為三司之長朝廷臺省之官皆自此而遷焉後之戶部既不以理財待之矣而況外府司農之長貳哉昔之三司所謂理財也何者國朝呂申公之在禁從必先除戶部判官蔡文忠之叅大政必先除擢三

司使此理財之任重矣

蔡官制祖宗舊制選除執政侍從必先選歷錢穀伯祖文忠公

欲推參大政先除權三司使數月乃拜樞密副使呂申公嘉祐中朝廷欲置之禁從乃除戶部判官數月進脩起居注旋今口談元理財穀為迂手校鉛黃籌算若浼詔知制誥

視國朝之重其任者何如耶國朝陳晉公之為三司使

十有八年號真鹽鐵寇萊公之為三司使前後事件類

為方冊此理財之任專矣


陳晉公為三司使真宗曰真鹽鐵使陳恕十有八年精于

吏事晚年薦萊公自代萊公檢尋晉公前後事件類為方冊所至榜示請晉公書押今假途望遷

舊例厭視公字傳舍胥吏浮萍視國朝之專其任者何

如耶噫有由矣昔天下之財歸之一使事權所在幾半天下諸州之財聽於一道之轉漕而主漕計者得以通諸州之有無諸路之財聽之發運之司而為發運者得以通諸路之多寡三司統發運發運統諸路一路之漕臣統諸州上下相維之勢也今版曹所仰止於閩浙其他則撥隸餉所版曹不知也此外則朝廷樁積版曹不知也今將重其權也則舉天下之財莫若使版曹皆得通融而責之以昔者三司之任至將作軍器比部之司

亦版曹得與之其任重其權專任重則在此無不盡其
能權專則在彼無以分其事則錢流貫朽歲月可異耳
噫何世無劉晏特在任之如何耳



古今源流至論續集卷二